

AWEMainta

E DIFERENCIA DEN NOTICIA

DANKI N'E TREMENDO COOPERACION CU UMC UTRECHT

HOH TA OPERA PA PROME BIAHA UN ANEURISMA DEN CEREBRO CU EXITO



**DOS SOSPECHOSO
DI CASO CRÈCHE NA
LIBERTAD CONDICIONAL**

MINISTERIO PUBLICO TA BAY NA APELACION

**REACCION DI UN TERAPISTA
FISICO RIBA ARTICULO TOCANTE
LISTA DI ESPERA PA PASHENT**

**UN YAMADA NA PRESERVA Y REVITALISA
NO LUBIDA RIBA
JULIANASCHOOL NI SCOL
REINA BEATRIX**

Tired of **Manually** Processing Forms?

SCANSYS
vision on imaging

- Digital Processing of Purchase Invoices and more
- Seamless Integration with most Financial Software
- Complete Control of Authorizations via Workflows

VCC
International NV

This OCR software scans any kind of document and automatically fills the data in your preferred financial/ERP software!

TEL. 583-7072 | info@vcc-int.com | www.vcc-int.com

IPKO a para bira reunion di skirbi carta pa Sinterklaas

DELEGACION di Parlamento di Aruba, a regresa diamars atardi for di Den Haag caminda a tuma luga e reunion di IPKO y aki tin cu musta cu e delegacion di Aruba a consisti di 15 persona en total, cual tabata e delegacion mas grandi pa participa n'e reunion aki.

Na final a keda formula un serie di punto riba cual a wordo discuti y cu lo forma e base pa reunionnan den futuro pero aki AWEMainta tin cu señala, cu algun di e puntonan aki ta pone hende corda n'e popular programa di 'Don Tico Kuiperi' den feliz memoria, esta *"Ripiti y Gana."*

Un di e puntonan cu a ser atendi tabata e asina yama *"geschillenregeling"* cu no tin fin di concretisa su mes caminda e paisnan cu ta forma Reino Hulandes hunto cu madre patria Hulanda, lo por tin un organo na cual nan por atende pa soluciona cualkier diferencia di opinion cu por surgi cu ta afecta nan interes general.

E delegacion di Parlamento di Aruba tabata consisti di Presidente Edgard Vrolijk, Parlamentarionan Hendrik, Shailiny Tromp-Lee, Darlaine Guedez-Erasmus, Setty Christiaans-Yarzagaray, Raymicheline Raymond, Mervin Wyatt-Ras, Arthur Dowers, Marisol Tromp, Miguel Mansur, Gerlien Croes, Rycond Santos do Nascimento, Ricky Hoek, Aquanette Gunn y tambe Griffie Heman Hek.

Un punto cu sigur a hala atencion ta caminda ta papia cu lo encarga un grupo di expertonan cientifico pa bay atende cu e asina yama *'democratisch tekort in het Koninkrijk'*, cu ta un

asunto cu for di 2010 ta riba agenda di IPKO practicamente tur aña.

No ta wega ya cu ta for di e tempo ey e politico Mito Croes di AVP den feliz memoria, a presenta e punto aki pa wordo atende pa yega na un solucion caminda Hulanda como pais mas grandi, no por haci y deshaci manera cu e ta haya ta bon y con cu e kier pa cosnan cana.

Awor e reunion di fin di siman n a Den Haag, tampoco a produci algo concreto ya cu awor ta bay busca un grupo di expertonan cientifico pa busca un forma con por yega na un forma di cooperacion p'e partnernan di Reino Hulandes.

No por papia cu a logra progreso riba e discusion aki, ya cu realidad di e caso ta cu mientras un delegacion di Parlamento di Aruba ta atende e reunion di IPKO aki, e grupo aki pa otro aña tin cu trata y aproba un concepto di ley cu Prome Minister Evelyn Wever Croes a firma cu gobierno Hulandes pa loke ta aprobacion di un Rijkswet cu ta permiti Hulanda supervisa y practicamente "maneha" financia di Aruba.

Esey mes ta un punto cu ta confirma di con mester un organo independiente pa atende cu e asina yama *"geschillenregeling"* ya cu practicamente Hulanda kier tin tur caminda un *"vinger in de pap"* loke ya el a haci cu Corsou y Sint Maarten a cambio di placa.

Loke ta bon pa ilustra e falta di respet di Hulanda pa loke t'e balor di e reunionnan di IPKO ya cu entre otro na Januari di 2015 a conclui lo siguiente:

"De onderwerpen die tijdens het overleg aan de orde kwamen, waren onder andere jeugd en jongeren, gezondheidszorg, economische kansen en de screening van kandidaat-ministers."

Ook werd er gesproken over een geschillenregeling, die een oplossing moet bieden bij onderlinge conflicten tussen landen van het Koninkrijk."

E pret no a caba eyan ya cu na luna di Juni 2019 den e reunion di IPKO a señala lo siguiente:

"De geschillenregeling staat niet op het programma, doch de standpunten van de respectievelijke landen zijn bekend en duidelijk," y awo despues di otro reunion di IPKO, atrobe ta sali man bashi for di esaki.

Geschillenregeling a para riba un asunto mescos cu skirbimento di carta pa Sinterklaas p'asina pidi un coy hunga pero na final di dia t'e mayornan lo tira e cartanan aki den bari di sushi ya cu Sinterklaas no tin adres pa manda carta y e *"geschillenregeling"* pa gobierno Hulandes ta mescos cu nan haya un carta skirbi na Chines.

Dos sospechoso di caso crèche na libertad condicional

Ministerio Publico ta bay na apelacion

HUES a dicidi pa pone tur dos sospechoso cu tabata den detencion preventivo den e caso di e crèche, den libertad condicional entrante ayera 5'or di atardi. Ministerio Publico a dicidi pa bay den apelacion contra e decision aki, despues di a studia decision di hues.

Un di e sospechosonan a wordo entrega mes ora na Warda nos Costa.

Reaccion di un terapeuta fisico riba articulo tocante lista di espera pa pashent

AWEMAINTA a ricibi reaccion di parti di un dunado di cuidu den e area di fisioterapia relaciona cu e articulo cu a wordo publica den AWEMainta dialuna 10 di juni, cu titulo: Fenomeno nobo den salubridad: ‘maneho’ activo di lista di espera. Mirando cu e dunado di cuidu a reconoce e situacion, y alabes a haya importante pa comparti e banda di medaya di parti di esnan encarga cu dunamento di cuidu, e persona aki a tuma contacto cu redaccion di AWEMainta, pa cual AWEMainta ta sumamente agradecido.

T’asina cu den e articulo di dialuna, AWEMainta a ilustra e situacion na unda pashentnan ta haya nan mes obliga ta yama varios bes diferente proveedor pa purba di haya un cita, pasobra no ta posibel pa bay riba un ‘lista di espera’.

E dunado di cuidu cu a tuma contacto cu AWEMainta a splica cu como terapistanan bou contracto di UO AZV nan ta ricibi un presupuesto fiho pa aña, cu ta cubri un promedio di 13 pashent pa dia, cual e terapeuta ta admiti cu t’e cantidad di pashent c’un terapeuta por duna cuidu di calidad tambe ariba un dia. Sinembargo, e cantidad di pashent cu ta wordo referi pa terapia fisico ta hopi mas cu e cantidad di fisioterapistanan cu AZV tin bou di contract, por acapara.

Un terapeuta por scoge pa wak mas cu 13 pashent pa dia pero e consecuencia lo ta cu nan presupuesto lo wordo agota prome cu yega december y lo mester cera nan oficina pa resto di aña. AZV ya a informa e terapistanan cu pa 2024 lo no otorga ningun permiso pa extende cuidu unabes cu e presupuesto wordo agota, mirando cu e presupuesto di AZV ya ta cera. Kisas pa 2025 por mira si lo tin espacio pa financia cuidu pa mas pashent. Pregunta t’e ora, kico ta bay pasa cu e pashentnan cu mester di terapia unabes cu tur e terapistanan yega nan cuota? Nan lo mester warda 2025 yega pa haya alivio pa nan situacion?

E otro alternativa lo ta pa terapistanan wak pashent adicional, sea a costo di e calidad di cuidu of di manera gratuito, cual AWEMainta no ta sinti cu lo ta husto, mirando con AZV ta gaba c’un surplus di 54milon, mientras e capacidad di cuidu no ta suficiente p’e demanda actual.

Pa haci e situacion mas dificil ainda, AZV lo ta mantene un moratorio riba e cantidad di fisioterapistanan na 28, cu ta haci cu, no obstante cu actualmente na Aruba tin terapistanan local, studia y capacita, cu no por haya contracto cu AZV pa yuda e exceso na pashent, tanten c’un di e 28 terapistanan

no bay for di servicio. Esaki ta nifica cu por lo pronto, en todo caso pa 2024, no lo tin cambio den e situacion, y pashentnan lo mester sigui tene speransa di haya un luga habri pa alivia nan dolor.

Pa añadi n’e frustracion di e terapistanan, profesionalnan studia y capacita, nan lo ta wordo limita den nan libertad di eherce nan trabou segun nan experticio y segun locual cu t’e tratamiento mas miho p’e pashent, segun su malestar. E terapeuta ta mara na ehecuto solamente e tratamiento prescribi p’e dokter di cas of e especialista medico, kendenan no tin e experticio pa defini e miho tratamiento di fisioterapia, ta p’esey e terapistanan ta studia! Na momento cu e terapeuta, basa riba su e studio, experiencia y experticio, ta deduci cu tin un miho alternativa di tratamiento p’e pashent, cu e dokter a prescribi, e tin di pasa un caminda di cruz pa haya e tratamiento mas efectivo aki acorda, mientras cu e pashent tin di warda den dolor te ora e AZV tuma un decision ariba e proposicion.

AWEMainta a wordo informa tambe, cu e proveedornan di cuidu, p’e mes motibo aki di no por acomoda pashent, sa wordo keha na instancianan oficial, manera Kwaliteitsinstituut y Inspectie, kendenan lo ta yega oficinanan di dunadonan di cuidu cu 6 a 7 hende, estilo di ‘landsrecherche haciendo inval’ unda nan lo ta bolter luga di e proveedornan di cuidu buscando fayto pa na final di e ‘investigacion’ ora sali na cla cu e profesional su mannan ta mara debi n’e maneho deficiente di salubridad, sali bay sin nunca mas por trece un palabra di aliento, corda un solucion. E dunadonan di cuidu a expresa di tin e sentimento cu instancianan oficial manera AZV, DVG, Kwaliteitsinstituut, IVA, tur tin yen di exigencia, manera e AruBig cu nan kier pa dunadonan di cuidu cumpli cu ne, sin cu e dunadonan di cuidu ta haya sikiera e reconocimiento, trato y pago husto pa nan trabou y experticio.

AWEMainta a keda asombra di tende e situacion dificil den cual e terapistanan aki tin di eherce nan trabou, y con hopi dificultad nan ta pasa y abusonnan verbal cu nan y nan asistentnan ta sufri na man di pashentnan pa motibo cu nan no por haya un cita pa alivia nan dolor. AWEMainta lo tuma contacto cu AZV p’asina haya mas informacion riba e maneho cu ta hiba referente e cantidad di cuidu cu ta wordo financia versus e cantidad di cuidu cu Aruba ta demanda.

Ta facil berdad pa tira culpa riba e dunadonan di cuidu, kendenan simplemente ta cumpli c’un maneho deficiente, mientras cu director di AZV y ministerio di Salubridad ta cana pronkia c’un surplus astronomico di nada menos cu 54milon florin!

Durante IPKO:

Intercambio di experiencia di studiantenan Caribense na Hulanda

Discriminacion y instabilidad financiero

DURANTE e Interparlementair Koninkrijksoverleg (IPKO) e siman aki, 25 estudiante Caribense a comparti nan experiencia cu delegacionnan, cu despues a wordo raporta den forma plenario den cuatro gruponan di trabou. E combersacion a revela un gama di desafionan cu e estudiante Caribense ta encontra durante nan estudio na Hulanda. E desafionan aki ta varia di shock cultural y racismo te cu stress financiero y e dificultad pa bolbe na nan isla despues di finalisa nan estudio.

Un tema importante cu a surgi den e prome grupo di trabou, ta e shock cultural y e 'double standard' cu estudiante ta experiencia. Na yegada na Hulanda, nan ta wordo trata tin bes como estudiante internacional y otro bes como estudiante Hulandes, loke ta crea confusion y problemanan na ora di pidi provision.

Ademas, hopi estudiante mester traha duro ademas di nan estudio pa por sobrevivi financieramente, loke ta pone un presion adicional riba nan y por influencia nan rendimiento academico.

E di dos grupo di trabou a enfatisa cu racismo, problema pa haya vivienda, 'braindrain' y inclusividad ta desafionan significativo. Historia di discriminacion y dificultad pa haya vivienda ta alarmante.

Ademas, hopi estudiante no ta sinti nan prepara emocionalmente pa e traslado na Hulanda, loke ta contribui na un sentimento di exclusion y un falta di aceptacion total.

E di tres grupo di trabou a elogia e resiliencia di studiantenan Caribense y a enfatisa e necesidad di incentivo y plataforma di 'networking' for di nan pais di origen. Esaki lo por motiva nan pa bolbe despues di nan estudio y pone nan den contacto cu empresa y organisonnan, aumentando nan chens riba e mercado laboral. E sosten aki por yuda nan bolbe na nan isla.

Stress financiero door di gasto halto di costo di bida y seguro a resalta fuertemente den e di cuatro grupo di trabou. Hopi estudiante mester traha fulltime ademas di nan estudio pa por sobrevivi financieramente, loke ta impacta nan rendimiento academico y bienestar.

Ademas, tin desafionan significativo pa bolbe na nan isla despues di nan estudio, specialmente door di e limitacion riba e mercado laboral y rechazo di ideanan nobo.

E informacion compila den e intercambio aki ta enfatisa e desafio cu studiantenan Caribense na Hulanda ta wordo confronta cu nan.

E delegacionnan lo uza e conclusion aki pa traha hunto riba solucion cu por mehora nan experiencia y duna nan miho sosten durante nan trayecto academico.

PRIK NA NOS LOCALIDAD NOBO!

➤➤➤➤➤ LABHOH A MUDA ➤➤➤➤➤



AWO NOS TA SITUA NA CAS DI DOKTER PIEDRA PLAT

(Nos a muda di e edificio di Bright Bakery)

Piedra Plat# 72-A

(297) 527 4916

6:00 AM - 11:00 AM

HORACIO ODUBER HOSPITAL

NOS SEMPER T'EY!

love the **d**adication
SOMETHING
GREAT FOR DAD
THIS FATHER'S DAY
AT AMC UNICON!

RECLINERS
STARTING AT
AWG.959



**JACKSON
ROCKER
RECLINER**

MR1400

AWG.979

WAS **AWG.1,129**

**SAVE
AWG.150**

- Designed for both comfort and functionality.
- Modern sophistication to any living space.
- Storage compartments.

GET 35% OFF CREDIT



**SAVE
AWG.150**

**BELARUS
RECLINER**

MR6300

AWG.849

WAS **AWG.999**

- Extra cushioned recliner.
- Cup holders.
- High degree of comfort.



**SAVE
AWG.160**

**SOPHIA
ROCKER
RECLINER**

MR6324

AWG.799

WAS **AWG.959**

- Cozy and Long-lasting.
- Relaxation and Soothing.
- Easy to Clean and Care for.



569-2407 AMC EAGLE MEGASTORE



569-3730 AMC DOKOTA



568-9070 AMC SAN NICOLAAS

HORARIO: 9AM – 6PM
DIALUNA PA DIASABRA



Un yamada na preserva y revitalisa

No lubida riba Julianaschool ni Scol Reina Beatrix

DEN prensa ta destaca e renobacion di cuater edificio “monumental”, (Maria Convent, Ward'i Polis Savaneta, Cas Veneranda, Ex-edificio di DOW), un labor significativo cu ta preserva e historia di nos antepasadonan y ta mantene bibo e magia arkitectonico cu e edificionan aki ta posee. E conservacion di e tesoronan arkitectonico aki no solamente ta enrikece nos patrimonio cultural, sino cu tambe ta sirbi como un recordatorio tangibel di nos identidad y herencia colectivo.

A realisa un inversion cuantioso p'e proyectonan aki di renobacion bira un realidad. Awendia, nos por admira no uno, sino varios edificio espectacular glorificando e culminacion di e esfuersonan aki. Cada restauracion ta un celebracion di e exito di e proyectonan aki, reflehando un compromiso cu e preservacion y e desaroyo sostenibel.

Sinembargo, a pesar di e logronan aki, tin dos edificio iconico cu, te cu e dia di awe, a pasa door di varios gobierno sin cu ningun a tuma e iniciativa di inverti den nan restauracion: Julianaschool y Scol Reina Beatrix. E edificionan aki, cu tabata testigo di varios generacion di estudiante, tabata ocupa durante varios decada, ofreciendo educacion na nos muchanan, a pesar di su deterioro structural. E situacion di e scolnan aki ta un recordatorio doloroso di e gap entre promesa politico y e accion concreto.

Julianaschool y Scol Reina Beatrix a wordo clausura aproximadamente 15 aña pasa debi na problema structural grave y e falta di mantencion adecuado. Desde e tempo ey, e edificionan aki a keda den desuzo, a pesar di e promesanan reitera di renobacion. Actualmente e scolnan aki ta asina lubida cu hasta e generacion

actual no conoce su ubicacion original, un realidad tristo cu ta subraya ainda mas e urgencia di su renobacion. Den pasado, hasta partido AVP a posiciona dilanti di e scolnan aki, cu hopi fanfaria y promesa di renobacion. Nan tabata segura cu nan lo debolbe e edificionan aki den nan gloria, creando un ambiente educativo digno p'e studiantenan. Sinembargo, e promesanan aki no tabata suficiente pa atrae e inversionistanan necesario pa efectua e renobacionnan aki, lagando e scolnan den un estado di abandono y finalmente converti den un luga caminda e adictonan ambulante ta bin frecuente.

Nos mester compronde cu, fuera di falta di edificio adecua pa duna les, tin un cantidad creciente di estudiante cu tin mester di un espacio adecuado pa nan educacion. Esaki ta un oportunidad crucial cu gobierno por probecha, demostrando na pueblo cu nos studiantenan ta un prioridad y cu nan educacion ta na pecho di nos politiconan.

Minister di Educacion y Prome Minister, encarga cu e cartera di Infraestructura, mester considera seriamente e aspecto aki. Ya a paga suficiente na huur pa espacio provisional. Tin un cantidad di edificio di gobierno den decadencia, cu, durante tur e añanan aki, no a ricibi e atencion necesario pa “debolbe nan gloria”. E falta di accion den e casonan aki no solamente ta un negligencia den termino di conservacion di patrimonio, sino tambe un falta den proporciona na nos studiantenan un ambiente educativo sigur y adecua.

Ta comprendibel cu tin mester di un planificacion meticuloso pa ehecua e renobacionnan aki pero lo ta husto informa e pueblo riba e plannan futuro di gobierno pa renobacion di e edificionan estatal. En special e dos scolnan menciona, Julianaschool y Scol Reina Beatrix, cu ta rekeri urgentemente un intervencion significativo. E edificionan aki no solamente tin mester di un renobacion fisico, sino tambe un compromiso renoba cu su proposito educativo y su rol den comunidad.

E restauracion di e scolnan aki lo ta mas cu un cuestion di infraestructura, ta un simbolo di nos compromiso cu educacion y e futuro di nos muchanan. Door di debolbe e edificionan aki nan gloria di semper nos lo ta invertiendo den futuro di no sociedad, proporcionando nos studiantenan e recursonan y e ambiente cu nan merece pa alcanza nan maximo potencial.



Reserva Awo!
spirit.com

Ban Fort Lauderdale pa zomer vakantie!

Book bo aventura pa Fort Lauderdale cu Spirit

AUA
ARUBA AIRPORT AUTHORITY

Aumento di costo di bida na Aruba:

Un crisis inevitabel of un cuestion di politica?

NO ta un secreto cu e costo di bida na Aruba ta subiendo, cu ta pone presion riba e residentenan cu ta haya cada biaha mas dificil pa yega na fin di luna. Tradicionalmente, esaki a ser atribui na prijsnan internacional halto cu ta afecta producto y servicio. Sinembargo, un bista mas cerca di nos isla bisiña di Corsou, caminda prijsnan ta hopi mas abou, ta crea preguntanan importante tocante e motibo berdadero tras di e gasto halto di Aruba.

Corsou y Aruba ta comparti hopi similaridad, for di nan ubicacion geografico te na nan dependencia economico. Sinembargo, e diferencia den e costo di bida entre e dos islanan ta grandi. Mientras cu ambos ta suheto na fluctuacion di mercado internacional, Corsou ta parece di administra su nivelnan di prijs mas efectivamente cu Aruba. E diferencia aki ta sugeri cu factornan interno, particularmente maneho di gobierno y medidanan di control di prijs, ta hunga un rol importante.

Na Corsou, e gobierno ta parece di tin un control mas estricto riba e mecanismo di fiha prijs, sigurando cu e productonan esencial ta keda accesibel p'e poblacion en general. Esaki ta un contraste fuerte cu e situacion na Aruba, caminda e control di prijs ta parece di ta menos estricto y e forsan di mercado por dicta prijsnan c'un intervencion minimo. E falta di regulacion aki por conduci na prijsnan mas halto mientras empresanan ta transferi mas gasto na consumidornan.

E sugerencia cu Aruba por beneficia di un maneho di control di prijs mas estricto no ta sin merito. Supervision efectivo di gobierno por yuda stabiliisa prijsnan y haci necesidadnan basico mas aceptabel. Sinembargo, implementa e medidanan aki ta mas facil pa bisa cu haci'e, specialmente ora ta considera e relacion compleho entre lidernan politico y nan sponsornan.

E panorama politico na Aruba ta complica e posibilidad di controlnan estricto di prijs. Hopi figura politico ta depende di e sosten di lidernan di negoshi y sponsornan, cu nan interes porta no ta alinia c'un regulacion agresivo di prijs. E conflicto di interes aki por stroba e implementacion di maneho cu lo beneficia e poblacion en general a costo di ganashi comercial.

Mientras tanto, e Arubiano promedio ta sintiendo e preta. E aumento di costo di cuminda, servicio publico y otro bienes esencial ta haci bida diario mas y mas dificil. Famianan ta lucha pa pone cuminda riba mesa y e presion economico ta afectando tur aspecto di bida. E situacion ta empeora door di e stagnacion di salario y e oportunidadnan economico limita, cu ta crea un circulo vicioso di dificultad financiero.

E aumento di e costo di bida na Aruba no ta un problema insuperabel, pero e ta rekeri un accion decisivo y e deseo pa enfrenta interesnan ya estableci. Siguiendo kisas ehempel di Corsou, Aruba por adopta medida y maneho di control di prijs mas efectivo cu ta priorisa bienestar di su residentenan. Solamente door di esfuersonan concreto nos por spera di alivia e carga economico di nos pueblo y garantiza un futuro mas husto y sostenibel pa tur hende.

Driftwood Restaurant
Authentic Aruban Seafood
SINCE 1986

Father's Day Menu 2024

Appetizers

- Fish Croquettes
- Shrimp Cocktail
- Calamari
- Seafood Chowder
- Escargots
- Mixed Salad

Main Courses

- Fish Filet
- Seafood Cazuela
- Jumbo Shrimps
- Rosé Chicken Pasta
- Tenderloin Kebab
- Vegetable Fried Rice

Desserts

- Chocolate Cake
- Caramel Flan
- Ice Cream

AWG 66.50 (\$38)

Does not include gratuity

Sunday, June 16
11am-6pm

Klipstraat 12 (297)-5832515
www.driftwoodaruba.com

DI TODO UN POCO PA REFLEXIONA

GERLIEN Croes a duna di conoce cu prome cu fin di mei, pueblo lo sa oficialmente su decision politico, esta e.o. con lo yama su organisacion politico. Nos ta yegando mediano di juni, y te ainda nada. No tin pura tampoco, pasobra eleccion lo ta otro aña na September, pero Gerlien mester prepara su mes mas.

MIENTRASTANTO pa loke ta su colega Rycond Santos do Nascimento si a tuma su decision y a funda su partido politico, cu segun informacion cu nos tin lo yama Partido Reforma Aruba (PRA). Rycond for di su salida di AVP a bin ta boga pa cambionan grandi den forma di haci politica na Aruba. Cu Aruba mester di un Reformacion Grandi y cu mester caba cu e tradicionalismo, cu pueblo lo vota loke ta ser califica como partidonan tradicional manera MEP y AVP. Ban tende con Rycond ta pensa di bin cu Reforma.

UN topico cu ta keda discusion den pueblo t'e investigacion cu Ministerio Publico a cuminsa den departamentonan cu ta regarda ministerio cu Minister Glenbert Croes ta responsabel pa cu nan maneho. E no ta un sorpresa, pasobra for di dia cu a permiti envolvimento den nos sistema hudicial, a crea Landsrecherche, un RST, etc. semper a busca un mandatario pa colga.

MASKE e investigacion ta andando, te awor no por bisa cu Glenbert Croes ta un sospechoso, maske cu husticia a haya ta bon pa drenta Cocolishi, DIMAS, DPL, cas di su tata, Betico Croes, y oficina di su ruman, unda tin administracion di su fundacion pa campaña. Hopi hende ta spera kico lo bira e resultado di e investigacion aki.

MIENTRASTANTO Gobernador a duna Minister Glenbert Croes permiso p'e bay atende un reunion di ILO (International Labour Organization) na Ginebra, cu tin un duracion di 2 dia, pero Glenbert Croes a bay pa 2 siman. Despues di Ginebra, e lo bay Spaña pa bolbe bishita e compania di Hydrogen Valley pa determina con leu nan plan ta pa yuda baha prijs di awa y coriente. Pero hopi ta di opinion cu Minister Glenbert Croes a bay pa calma su mes y determina ki strategia hiba, unda bes e ta bek.

GLENBERT Croes, aparentemente no ta siña mas di loke el a pasa aden caba ni a tuma na cuenta kico su primo a haci, cu a hay'e ta cera na KIA. Unabes cu husticia ta investiga bo departamento, pa cual bo ta responsabel, Glenbert tin cu saca su conclusion caba.

SI Prome Minister Evelyn Wever Croes tabata na altura di e entradanan hudicial, y sigur den Cocoloshi, no tin duda. PG mester y tin obligacion di informa EWC, kende a dicidi p'e mainta ey firma un acuerdo cu Hulanda pa un Rijkswet nobo, cu el a yama Hybride. Mientras cu Secretaria di Estado, Alexandra van Huffelen a laga cu e no conoce kico ta un Rijkswet Hybride, pasobra dicho terminologia no ta existi.

OPENING HOURS
11AM-10PM

FATHER'S DAY

MENU
16 JUNE
2024

CELEBRATION AT RED FISH

APPETIZER

- FISH CROQUETTE
- FISH SOUP
- CALAMARI
- SHRIMP & CRAB NACHO

MAIN COURSE

- FISH & SHRIMP
- CHICKEN ALFREDO PASTA
- SHRIMP IN GARLIC
- SHRIMP FRIED RICE

PRICE
AWG 35

Orange Plaza Mall, Italiestraat 50
(297)-2806666 www.redfisharuba.com

RED FISH
Quality Seafood Restaurant

LOKE ta haci e asunto aki mas interesante cu vocero di MEP, lider di fraccion, Hendrik Tevreden a laga sa cu nan ta contra di loke a keda firma, y cu no tin sosten di Parlamento di Aruba. Pero t'awor lo bay traha riba e Rijkswet nobo aki cu mester ta cla prome cu 1 di mei 2025. Hopi cos por pasa ainda.

Y den e reciente acuerdo firma, Hulanda a pone e sabel di Domocles riba cabes di Aruba, indicando cu si Hulanda no aproba e Rijkswet nobo, Aruba mester paga e prestamo di Covid cu e interes halto atrobe.

BOLBIENDO riba nos Parlamentarionan cu a bay IPKO na Hulanda, por conclui cu ATROBE nada a ser logra. E Geschillenregeling, cu tin mas di 10 pendiente, nada a ser logra, pasobra Hulanda no tende di ningun areglo y no ta respeta Aruba como partner igual. Mescos e otro islanan, manera Corsou y St. Maarten.

GERLIEN Croes for di Hulanda a laga sa cu lo pidi un reunion publico di Parlamento, unda Ministernan Glenbert Croes, Rocco Tjon y Ursell Arends mester duna cuenta riba maneho di Inmigrantenan. Pero ya caba Presidente di Parlamento, Edgard Vrolijk a laga sa cu agenda ta preta y no ta kere cu por yama dicho reunion. Pronto Parlamento ta bay cu reces, pero prome cu esey, tin un biahe pa Parlatino pa atende tambe. Awor kico ta importante, atende reunion di Parlatino, cu no ta produci nada, of atende nos problemanan na cas?

"JOIN MEP and see the World" ta keda un slogan pa MEP, declara pa dfm Guillermo Trinidad, kende despues tambe a uni na MEP, pasobra e ta un bon politico, cu a gana respet di Betico Croes, q.e.p.d.

AWOR mira con un cantidad di Minister ta biahando rond di mundo, manera cu nan mundo ta cabando of ta na candela. Glenbert Croes ta un di nan, kende ta pa 2 siman for di e isla.

Minister Xiomara Maduro a dicidi di subi avion

bay New York cu intencion di bishita varios ciudad Mericano, en busca di inversionista pa Aruba.

SIENDO esaki no ta un tarea di un Minister di Finansa, pero di Minister di Economia, kende awor ta Geoffrey Wever. Ata, Rey Willem Alexander a invita Minister Geoffrey Wever pa forma parti di e mision comercial di Reino pa bishita varios ciudad Mericano tambe. Si nan mester bishita e mesun ciudadnan cu Xiomara Maduro a bishita, kico e inversionistanan aki lo pensa?

PAPIANDO di busca inversionista pa Aruba, na Aruba practicamente hopi negoshi ta cerando nan porta pa falta di actividad laboral. Si tuma p.e. Caya Betico Croes, ta birando of ta caba un caya morto. Masha hopi negoshi a cera nan portanan. Pa no papia mes di centro di San Nicolas cu a ser batisa caba como un Gost Town. Mira rond, por conclui cu tin mas negoshi grandi cu ta cerando nan porta.

MINISTER Geoffrey Wever a funda Aruba Fair Trade Authority, cu despues di denuncia di CUA, (Comerciantenan Uni Aruba), p'e competencia inhusto di SETAR, cu ta birando un monster unico cu proteccion di su monopolio, AFTA a bin afo y declara cu nan lo cuminsa na investiga funcionamiento di supermercado y companianan di real estate. Esaki no tabata of mester ta un tarea di Consumenten Bond (cu ta morto di berdad) y ainda lo ta haya subsidio di Gobierno.

Ban Bishita!

Santo Domingo



Cuminsando for di **US\$320**
pa round trip



PA RESERVA
bo pasashi pasa na
SKYhigh Dominicana
Office na
Aruba Airport




<https://skyhighdominicana.com/en/>

Procurador General a exigí mas castigo pa asesino di Eddy Rincon

DIA 30 di November di 2022, a sosode un tragedia riba tanki di WEB na Savaneta caminda e victima Eddy Rincon a perde su bida, despues cu el a ser tira mata for di Shannon Williams.

E victima tabata den mesun auto cu e asesino aki, ora cu a surgi un discusion cu a resulta den sacamento di arma dor di e acusado y despues el a tira e victima Rincon.

Den un intento pa evita cu e lo wordo mata den e auto, e hoben Rincon a bula for di e auto pero no a yega mucho leu pero prome cu el a fayece, el a declara na un testigo cu a yega cerca, cu Shannon a horta 3 mil florin for di dje.

E asesino durante tratamento di e caso den Corte de Prome Instancia, no a acepta su culpabilidad pero a insisti cu a surgi un lucha den e auto cu Rincon caminda e revolver a tira accidentalmente heridando e victima mortalmente.

Corte den Prome Instancia a haya Shannon culpabel di asesinato y a condena e hoben aki na 17 aña di prizon pero e acusado a dicidi di apela e decision ya cu e ta kere cu e castigo tabata mucho halto.

Sinembargo durante tratamento di e caso aki pa Corte Superior, esta Hof,

por bisa cu no tabatin cambio den henter e proceso, al contrario Procurador General a dicidi di pidi Corte pa aumenta e castigo di Shannon cu dos aña mas mirando seriedad di e caso caminda a kita bida di un hoben.

Procurador General tabata hopi concreto den su ponencia mustrand cu tur pruebanan cu a ser trata den Corte den Prome Instancia, ta duna indicacion bon cla cu Shannon no a balora bida di su amigo Rincon ya cu hasta despues cu el a riba e victima, el a zak y saca un suma di 3 mil florin for di su saco di carson y bay cu esaki.

Un di e otro testigonan den e auto, a confirma durante tratamento di e caso anteriormente, cu el a mira cu Shannon a saca un arma di candela pero e acusado a sigui insisti cu esey no ta corecto y cu ta e victima a saca arma caminda el a lucha cu Rincon y durante di e lucha, e arma a tira.

Procurador General a muestra durante tratamento di e caso pa tres hues, cu Shannon ainda no ta muestra un tiki di remordimento pa loke el a haci y a muestra cu tur cos ta indica cu e kier a mata su amigo Rincon pa horta placa for di dje.

Segun PG e falta di responsabilidad di e acusado ta muestra cu ainda e no kier reconoce su responsabilidad den morto di Eddy Rincon y a pidi HOF pa aumenta e castigo cu Corte den Prome Instancia a impone como castigo di 17 aña y aumenta esaki cu dos aña mas.

A cera tratamento di e caso di apelacion y HOF lo anuncia su decision diaranson 3 di Juli venidero.

Danki n'e tremendo cooperacion cu UMC Utrecht

HOH ta opera pa prome biaha un aneurisma den cerebro cu exito

RECIENTEMENTE den sala di operacion na Horacio Oduber Hospital (HOH) a eherce un operacion di un aneurisma den cerebro di un pashent. Un operacion cu nunca antes a wordo ehecuta na Aruba, y esaki a logra danki na e cooperacion cu HOH tin cu e departamento di neurocirugia di UMC Utrecht. E diagnostico a ser haci pa HOH su neurologo, dr. Ivonne van Sijtveld hunto cu e team di profesional na HOH. Y e neurociruhano vascular Prof. Bart van der Zwan di UMC Utrecht a ehecuta e operacion aki hunto cu e team di profesional di sala di operacion. E operacion aki ta demostra cu HOH ta conta cu profesionalnan bon prepara y capaz pa brinda e tipo di cuidu asina, pero tambe cu ta conta cu e materialnan necesario pa por eherce un operacion specialisa.

E diagnostico

E pashent aki a yega Departamento di emergencia n'e momento corecto. El a presenta na hospital cu hopi dolor di cabes y nausea. E nivel di ta consciente di e pashent tabata basta bon. Mirando e caracteristicanan di e pashent a opta pa haci un e asina yama test CT Angiografia cu ta un di e miho testnan pa por haya un diagnostico den e caso aki. A traspasa e pashent pa departamento di cuidu intensivo (ICU) y ora a haya resultado di e testnan haci aki a constata cu e pashent tabatin un asina yama "broken aneurysm," dr. Sijtveld ta conta.

Un aneurisma hopi biaha ta dificil pa detecta y pues dr. Sijtveld ta hopi contento con tur cos a cana pa cu e caso aki y e tremendo cooperacion entre tur profesional na HOH pa a logra yega na e deteccion y sigui pa e operacion.

E operacion

Prof. Bart van der Zwan, neurociruhano vascular di UMC Utrecht a indica cu na HOH por nota cu tin hopi hende yena cu entusiasmo y profesionalismo. Esaki sigur tabata e caso na momento cu mester a opera un pashent cu a diagnostica un aneurisma den su cerebro. Un pashent cu tabata luchando pa su bida y nos a logra salb'e. "A enfoca pa haci e operacion aki di inmediato pasobra e pashent tabata birando pio," tabata palabra di Prof. Bart van der Zwan.

Na Aruba ainda nunca a yega di efectua e tipo di operacion aki, pero si HOH tabatin tur e aparatonan y material necesario pa por a opera e pashent. Un operacion bastante



complica y a logra ehecuta esaki cu exito. Despues di operacion, ainda tin e proceso di recuperacion y awe algun siman despues por menciona cu e pashent a regresa su cas y ta den bon salud.

E cooperacion

"Esaki ta demostra un bes mas cu trabou den ekipo ta hiba na exito y e cooperacion cu HOH tin cu UMC Utrecht y e departamento di Neurocirugia ta di sumo importancia paso e ta yuda na eleva calidad di cuidu y conocimiento di nos profesionalnan. Si no tabata pa e colaboracion aki, e chens cu a pashent aki lo por a fayece ta hopi grandi", asina Jacco Vroegop, Director di HOH, a expresa yena di gratitud.

IPKO 2024:

Tempo pa Accion: Deficit Democratico den Reino Hulandes

DURANTE e reciente Interparlementair Koninkrijksoverleg (IPKO), representanten di Aruba, Corsou, Sint Maarten y Hulanda a discuti e deficit democratico den Reino Hulandes. Den tres grupo di trabou nan a trata e tema aki di manera profundo, sigui pa un discusion plenario. E reunion a resulta den algun conclusion importante y pasonan concreto pa adresa e deficit democratico aki.

Na prome luga, nan a reconoce cu e Statuut pa Reino Hulandes ta existi 70 aña e aña aki y cu tin un deficit democratico den Reino. A pesar di cu e posibilidad actual pa tuma decisionnan democratico den e Statuut probablemente no ta wordo probecha completamente, nan a considera cu un revision integral di e Statuut no ta oportuno n'e momentonan aki y tampoco ta factibel den futuro inmediato. E tema aki tin ya caba varios aña riba e agenda politico, pero ta logra un avance hopi limita.

Un decision notabel ta cu e Staten di Aruba, Corsou y Sint Maarten lo presenta un propuesta pa un Rijkswet dentro di algun siman despues di IPKO. E ley aki, basa riba e articulo 12a di e Statuut, lo trata conflicto entre Reino y e paisnan. IPKO ta contento cu e intencion aki y ta ansioso pa discuti e propuesta, cual por ta un paso importante den reduccion di

e deficit democratico.

Ademas, nan a manda e Presidium di IPKO (hefenan di delegacion di e cuater paisnan) pa forma un grupo di expertonan independiente. E grupo aki lo pone riba papel, analisa y resumi e propuestanan existente y nobo pa reduci e falta di democracia. Tambe lo nan investiga e alcance y e significado di e stipulacionnan di e Statuut. E iniciativa aki ta enfatisa e seriedad di nan enfoke pa trata e deficit democratico door di diferente analisis cientifico y obhetivo.

Finalmente, nan a manda e Presidium pa investiga mas tarda na 2025 e posibilidad pa un conferencia IPKO special, totalmente dedica n'e solucion di e deficit democratico. E conferencia aki lo ta basa riba e rapport di e expertonan. E Presidium tambe lo manda un carta n'e Gobernacion di Reino cu un peticion pa duna claridad tocante e posibilidad pa organisa un conferencia di Reino, cu participacion di representante parlamentario.

Cu e pasonan aki, IPKO ta demostra un compromiso fuerte pa adresa e deficit democratico den e Reino Hulandes. Door di propuestanan concreto y analisis di expertonan, nan ta spera di finalmente resolve e dificultad relata na decisionnan democratico y crea un sistema mas husto y representativo.

Departamento di recherche Santa Cruz cu detencion na Tamarijn



AYERA den oranan tempran departamento di recherche Santa Cruz a bay na un cas na Tamarijn pa un detencion y como tambe a haci un listramento n'e parcela.

Na momento di e listramento den a cas y rond di a cas a bin encontra basta articulonan horta como tambe droga. E articulonan y droga a keda confisca como tambe un auto.

N'e accion a participa diferente departamento di Cuerpo Policial Aruba.

Cuerpo Policial ta sigui traha duro pa combati criminalidad y ta keda haci un apelacion n'e pueblo di Aruba pa sigui yuda nos door di yama e Tiplijn di Polis cu ta 11141. Bo anonimidad ta keda garantisada.



NOW PLAYING




IF

After discovering she can see everyone's imaginary friends, a girl embarks on a magical adventure to reconnect forgotten IFs with their kids.



THE WATCHERS

A 28-year-old artist gets stranded in an expansive, untouched forest in western Ireland. Finding shelter, she unknowingly becomes trapped alongside three strangers who are stalked by mysterious creatures every night.



BAD BOYS RIDE OR DIE

When their late police captain gets linked to drug cartels, wise-cracking Miami cops Mike Lowrey and Marcus Burnett embark on a dangerous mission to clear his name.



INSIDE OUT 2

Joy, Sadness, Anger, Fear and Disgust have been running a successful operation by all accounts. However, when Anxiety shows up, they aren't sure how to feel.

For Showtimes and online ticketing: www.caribbeancinemas.com

**Mirrors Beauty Academy ta ofrece e siguiente servicjonan**

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Despues di un incidente di turbulencia severo

Singapore Airlines ta ofrece un compensacion di \$10,000



SINGAPORE Airlines ta dunando por lo menos \$10,000 como compensacion na pasaheronan herida durante e vuelo cu a sufri turbulencia grave. E vuelo SQ321, un avion Boeing 777-300ER cu tabata biaha for di London pa Singapore, a haci un aterisahe di emergencia na Bangkok, Thailand, dia 21 di mei. Turbulencia a causa morto di un pasahero y mas cu 100 herido.

Turbulencia severo a haci cu e avion a sink 178 pia den solamente 4.6 seconde, creando un situacion caotico y peligroso abordo. Pasaheronan cu no tabata bisti cu nan faha di siguridad a wordo tira contra e blafon, cu a causa lesionnan severo. E aterisahe di emergencia na Aeropuerto Internacional Suvarnabhumi na Bangkok tabata necesario pa duna cuidu medico inmediato na pasaheronan herida.

Singapore Airlines a anuncia medidanan di compensacion p'esnan afecta p'e incidente. Pasaheronan cu lesionnan leve ta wordo ofreci \$10,000, mientras cu esnan cu lesionnan grave cu ta rekeri cuidu medico di termino largo lo ricibi un pago adelanta di \$25,000 pa atende nan necesidadnan

inmediato. E adelanto aki lo forma parti di e compensacion final.

Ademas di e compensacion financiero, Singapore Airlines ta cubri gastonan medico di pasaheronan herida. E aerolinea tambe a haci tramitenan pa famia y sernan keri bula pa Bangkok pa ta cu e pasaheronan herida. Tur pasahero di e vuelo, sea cu nan a keda herida of no, lo ricibi reembolso completo di nan pasashi di avion.

Pasaheronan a describi e incidente como teribel. Dzafran Azmir, un pasahero di 28 aña, a relata con e inclinacion repentino y e caida di e avion a causa cu pasaheronan sin restriccion a wordo tira contra e blafon. Andrew Davies, otro pasahero, a señala cu tur miembro di e tripulacion di cabina cu el a mira a resulta herida.

Ali Bukhari, cu tabata regresando for di nan luna di miel, a describi e experiencia como traumatico. Singapore Airlines ta compromete di sostene su pasaheronan den e momentonan dificil aki y di garantisca cu nan ta ricibi e asistencia y compensacion necesario.

China ta critica Hulanda mientras cu Fregata Hulandes ta pasa door di e canal di Taiwan



CHINA a acusa Hulanda di invadi su awanan teritorial y espacio aereo despues cu e Fregata Hulandes HNLMS Tromp a pasa door di e canal di Taiwan. E incidente aki ta sigui dos enfrentamento den e 'South China Sea' siman pasa, loke a aumenta e tension entre e dos nacionnan.

Ministerio di Defensa Hulandes a informa di un situacion *"potencialmente insegur"* ora dos avion di guerra Chines a rastrea HNLMS Tromp durante nan paso p'e canal di Taiwan. Ademas, avionnan Chines a yega cerca un helicopter Hulandes cu tabata haci patruxa dilanti di e peninsula di Korea, loke a tensiona ainda mas e relacionnan.

Hulanda a sostene cu tur dos incidente a tuma luga den awa internacional, contradiciendo e afirmacion di China cu e canal di Taiwan ta bou di su hurisdiccion. China a expresa cu e accionnan aki ta menasa e *"relacion amistoso"* entre e dos paisnan. *"Nos ta lamenta profundamente e palabranan y hecho malicioso di Hulanda y nos a presenta un protesta"*, Ministerio di Defensa Chines a declara.

Historicamente, e barconan Hulandes tabata keda leu for di e canal di Taiwan pa evita fomenta tension cu China, a pesar di nan clasificacion oficial como awa internacional. E aprobacion reciente di Tromp HNLMS ta marca un alehamento significativo for di e enfoke cauteloso aki.

HNLMS Tromp tabata participa den un operacion multinacional hunto cu forsa di Estados Unidos, Reino Uni y Sur Korea. E operacion tabata pa monitor e cumplimiento di e sancion di Nacionnan Uni, imponi riba N. Korea pa motibo di su programa di arma nuclear. E contexto internacional aki ta

enfatisa e implicacion geopolitico mas amplio di e incidente, ya cu nacionnan occidental ta sigui mantene relacionnan complica cu China riba asuntonan di seguridad maritimo y regional.

APPAREL

BOAT ACCESSORIES

TODOMAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

Hunter Biden condena pa cargonan federal di arma



HUNTER Biden a keda condena p'e tres cargo federal pa delito grave cu arma di candela. Un hurado federal a conclui cu el a viola e leyman diseñá pa evita cu adictonan tin arma di candela. E condena aki ta marca un primicia historico: e familiar inmediato di un presidente den cargo ta keda condena pa un delito durante e mandato di su tata, maske e delito ta anterior n'e presidencia di Joe Biden.

E cargonan: Hunter Biden a enfrenta tres cargo relata na compra di un revolver na october 2018. E prome dos cargonan tabata pa gaña tocante su uzo di droga den un formulario federal di verificación di antecedente, y e di tres pa posee un arma mientras e tabata adicto of tabata uza droga ilegal.

Sentencia: Hunter Biden por enfrenta te cu 25 aña di prizon y un multa di \$750,000. Sinembargo, como un delincuente pa prome biaha, ta probabel cu e lo ricibi un sentencia menor. E sentencia ta keda stipula 120 dia despues di e veredicto, loke ta nifica cu probablemente esaki lo sosode prome cu e dia di eleccion.

Reaccion:

Hunter Biden a expresa su decepcion pa cu e veredicto, pero gratitud p'e apoyo di su famia.

Presidente Biden a enfatisa su apoyo na su yiu y a bisa: “Mi

t'e Presidente, pero mi ta tata tambe. Jill y ami ta stima nos yiu, y nos ta hopi orguyoso di e homber cu e ta awe.”

Consehero special David Weiss a enfatisa cu e caso tabata trata di e decisionnan ilegal cu Hunter Biden a tuma mientras e tabata uza droga y a reitera cu ningun hende, incluyendo e yiu di e presidente, ta riba ley.

Den principio e hurado tabata dividi. Sinembargo, despues di a discuti e elementonan di cada crimen, nan a yega na un veredicto unanime. Un miembro di e hurado a expresa cu e caso tabata parece un desperdicio di dollar di e contribuyentenan, mientras cu otro tabata kere cu Hunter Biden no tabata pertenece den prizon.

E miembronan di e hurado a enfoca riba e evidencia na luga di e estilo di bida di Hunter Biden, y un a señala cu politica no tabata un factor den su decision.

E huicio a termina cu Hunter Biden expresando su gradicimento p'e amor y sosten di su famia, mientras cu su abogado, Abbe Lowell, a priminti di busca energicamente tur e retonan legal disponibel.

E caso aki ta pone enfasis riba e complehidad di responsabilidad legal y lucha personal, atrayendo hopi atencion publico y mediatico.

SALUD. BEYESA

+ Y Bienestar Personal +

Actonan clave y accionnan urgente

Conscientisacion di salud di hende homber

JUNI ta marca e Luna di Salud di Hende Homber, un momento dedica na ilustra e problemanan di salud prevenibel y boga pa deteccion tempran y tratamento di malesa den hende homber y mucha. Estadistica global ta mostra cu hende homber tin 50% mas chens di muri di malesanan cardio-vascular anualmente, cu hende muhe. Tambe hende homber tin 17% mas chens di contrae y muri di cancer y mas cu 60% di hende homber adulto ta sufri di sobrepeso of obesidad. E cifranan aki ta enfatisa e importancia di conscientisa y promove medidanan sanitario proactivo entre hende homber.

Den un esfuerso pa compronde e comportacion di salud di e hende homber, Cleveland Clinic a haci un investigacion den mas cu 500 homber Mericano entre 18 y 70 aña di edad. E resultadonan tabata revelador: solamente tres di cada cinco homber ta haci examen fisico anual, mas di 40% ta bishita e dokter solamente pa sintomanan medico serio y mas di mita no ta papia di su salud. E revelacionnan aki ta enfatisa e necesidad urgente pa hende homber adopta un enfoke proactivo pa nan salud. Adhunto ta sigui cuater punto critico pa cuminsa combersacionnan esencial tocante salud di hende homber.

Hende Homber ta menos habri pa busca cuido cu hende muhe


Super heroenan manera Capitan America y Superman ta personifica duresa y curashi. Sinembargo, e representacion cultural di invulnerabilidad aki a contribui inadvertidamente na un problema di salud significativo. Hende homber, influencia p'e expectativanan social di ta fuerte y solido, hopi biaha ta pensa cu busca yudansa medico ta un señal di debilidad. E encuesta di Cleveland Clinic a revela cu 40% di e hombernan ta bishita e dokter solamente ora nan ta enfrenta problemanan di salud serio, un contraste fuerte cu e bishitanan di cuido medico mas frecuente di e muhenan. Ademas, 21% di e hombernan ta evita dokternan pa miedo di diagnostico, indicando ansiedad profundamente ancla pa revela vulnerabilidadnan. E luna aki di Salud di Hende Homber, nos mester haci esfuerso pa dismantela e mentalidad aki y anima hende homber pa pensa riba busca ayudo medico como un fortaleza, no como un debilidad.

Cancer di prostaat ta afecta un di cada nuebe hende homber

Cancer di prostaat t'e cancer mas comun entre hende hombernan Mericano, cu mas o menos 175,000 caso nobo diagnostica tur aña. A pesar di e resistencia di hende homber pa busca atencion preventivo, deteccion tempran di cancer di prostaat ta crucial. Afortunadamente, cancer di prostaat generalmente ta crece poco poco, loke ta nifica cu hopi caso no ta pone bida inmediatamente na peligro. Sinembargo, diagnostico tempran ta mehora e chens di un tratamiento exitoso. Hende homber, particularmente esnan na riesgo, mester wordo encurasha pa haci test regular pa detecta posibel problema trempan.

Salud mental ta altamente stigmatiza entre hende homber

Problema di salud mental ta hopi amplio pero tambe hopi stigmatiza entre hende hombernan. Statistica ta bisa cu 30.6% di hende



hombernan a experencia depresion na un momento. E resisitencia pa busca ayudo ta aumenta e problema aki, y hopi homber ta mira e expresion di emocion como un vulnerabilidad. Psicologonan a documenta cu hombernan hopi biaha ta evita di papia di nan sentimentonan, cu por conduci na mecanismo di afrontamento poco saludabel. Encurasha hende homber pa papia tocante nan emocionnan y busca sosten pa salud mental ta crucial. Promoviendo combersacionnan habri y persistencia den fomenta expresion emocional, nos por yuda mehora salud mental y bienestar general di hende homber.

Hende homber mester tuma decisionnan di estilo di bida mas saludabel

E datonan estadistico ta revela cu hende hombernan ta involvi den comportacion di salud mas riesgoso compara cu hende muhe, manera consumo di alcohol y huma mas frecuentemente. E habitonan aki ta contribui na problemanan serio di salud manera malesa cardiaco y pulmonar, problemanan hepatico y accidentenan prevenibel. Ademas, hende homber hopi biaha ta tuma desicion di dieta mas pover, ta consumi menos fruta y berdura y ta prefera carni y productonan di lechi.

Normanan social y cultural ta hunga un rol den e comportacion no saludabel aki. Como resultado, hombernan tin un speranza di bida mas cortico cu muhenan, cu ta biba un promedio di cinco aña menos. E disparidad alarmante aki ta enfatisa e necesidad pa mehora comportacion di salud entre hende hombernan.

Pa trata e problemanan aki, nos mester promove opcionnan di estilo di bida mas saludabel, checkup medico regular y discusionnan habri riba salud fisico y mental. E Luna di Salud di Hende Homber ta sirbi como un recordatorio crucial cu salud di hende mester di atencion y accion. Promoviendo un ambiente di sosten y fomentando medidanan di salud proactivo, nos por yuda hende homber hiba un bida mas saludabel y prolonga.

E arte y ciencia di crea colonia

E relacion entre aroma y beyesa

COLONIA, e aroma seductor cu ta mehora nos bida diario, ta un creacion complica naci for di un proceso meticuloso y artistico. Sea bo ta prefera un aroma clasico of aroma contemporaneo, comprende con e colonia ta wordo elabora por profundisa bo aprecio p'e obra maestra olfativo aki y su papel integral den e aspecto di beyesa.

1. Seleccion di ingrediente: e base di e aroma

E proceso pa crea colonia ta cuminsa cu e seleccion di e miho ingrediente. Perfumistanan ta uza un combinacion di componente natural y sintetico pa crea un aroma balansa y unico. Ingredientenan natural, manera 'essential oils' cu ta wordo extraí for di flor, fruta y specerij, ta duna profundidad y caracter n'e aroma, capturando e esencia di e bunitesa di naturalesa. Composicionnan sintetico, na otro banda, ta duna estabilidad, consistencia y e capacidad pa crea aromanan cu no ta ser haya den naturalesa. E harmonia di e mescla di elementonan aki ta esencial pa logra un aroma diferente y memorabel.

2. Combinacion y mescla: elaboracion di e perfil di holo

Despues di a scoge e ingrediente, e perfumistanan ta cuminsa cu e fase intenso di mescla y formulacion. E proceso aki ta rekeri un grado halto di habilidad y precision, ya cu cada componente mester wordo pisa y midi cu cuidou pa logra e perfil di aroma desea. E resultado ta un mescla fragante conoci como "perfume concentra", cu ta sirbi como nucleo di e colonia. E fase aki ta similar n'esun di un artista mesclando pintura den un palet, creando un sinfonia di aroma cu finalmente lo defini e personalidad di e fragancia.

3. Dilucion y enbehecimento: refinacion di e fragancia

E concentracion di perfume ta sumamente potente y mester dilui c'un alcohol of awa di holo neutro p'e aroma por wordo uza. E proceso di dilucion aki ta crucial pa balansa e intensidad di e aroma. Despues di esaki, e mescla ta pasa den un proceso di enbehecimento cu por dura varios siman of hasta luna. Durante e periodo aki, e aroma ta madura y su diferente notanan di holo ta harmonisa, resultando den un aroma mas completo y sofisticado. Enbehecimento ta permiti e componente individual pa fusiona, manera un bon biña, mehorando e profundidad y complejidad general di e aroma.

4. Control di calidad: sigurando perfeccion

E control di calidad ta un paso fundamental den e proceso di elaboracion di perfume, sigurando cu cada 'batch' ta cumpli cu e standard mas halto. Perfumista y expertonan ta haci testnan extenso, evaluando e balans, longevidad y e atractivo general di e aroma. E fase aki por encera ahustacion den e formula of un enbehecimento adicional pa logra perfeccion. E control di



calidad ta garantiza cu e producto final ta duna un experiencia consistente y excepcional n'e consumido, reforsando e rol di aroma den beyesa y higiena personal.

5. Emboteya y paketa: e toque final

Ora e aroma a madura y a pasa control di calidad, e ta cla pa hinca den boter y paketa. E diseño di e boternan di perfume ta un obra di arte riba nan mes, elabora cu precision pa garantiza un distribucion uniforme di e aroma ora e ta wordo aplica. E etiket, pakete y marca ta wordo planea meticulosamente, loke ta aumenta e atractivo estetico general y ta mehora e experiencia di consumido. E presentacion visual di e colonia ta un reflejo di su bunitesa interior, loke ta haci'e un adicon desea na cualkier regimen di beyesa.

6. E producto final: un sinfonia di aroma y bunitesa

E producto final di colonia ta cla pa mercado, disponibel den diferente tamaño y opcion di pakete pa atende un variedad di consumido. Cada boter di colonia ta un testimonio di e artesanía di e perfumista y e interaccion harmonico di ingredientenan cu a selecta cu cuidou. E ta un mescla di ciencia y creatividad, producto di añanan di entrenamiento y refinamento.

Colonia y beyesa: un conexion inseparable

E colonia no ta simplemente un aroma; e ta un componente esencial di beyesa personal y expresion propio. E aroma cu nos ta scoge pa uza ta bira parti di nos identidad, influenciando con nos ta wordo percepcciona y con nos ta sinti nos mes. Un colonia bon scogi por aumenta confiansa, evoca recuerdo y crea un aura di sofisticacion. E ta complementa otro practicanan di bunitesa, manera cuidu di cuero y higiena, compilandu e conhuntio di un apariencia bon cuida.

Cada bes cu bo aplica bo colonia favorito, corda cu e t'e resultado di un proceso meticuloso y artistico, cu ta encarna e esencia di beyesa den su forma mas fragante. E siguiente biaha cu bo disfruta di su aroma, aprecia e habilidad, creatividad y dedicacion necesario pa elabora e obra maestro olfativo aki y acepta e bunitesa cu e ta agrega na bo bida.

Manipulacion: Arte of dilema etico?

MANIPULACION, maneho di informacion y tacticanan psicologico pa influencia otro, ta un concepto cu hopi biaha ta genera debate.

E ta un forma di arte, un oficio perfecciona pa esun habil, of ta un pantano moral y etico? Den e articulo aki nos ta explora e naturalesa complica di manipulacion, su uzonan y e consideracion etico rond di dje.

1. E arte di persuadi:

Algun ta argumenta cu manipulacion, ora e ta wordo uza eticamente, por wordo considera un arte di persuasion. Hende a uza e poder di persuasion pa siglonan pa gana argumentonan, logra consenso y logra nan metanan. E arte di retorica y influencia, ora e ta wordo uza den un manera honesto y transparente, por wordo mira como un habilidad valioso.

2. Manipulacion scur:

Sinembargo, e liña entre persuasion etico y manipulacion scur por ta chikito. Ora manipulacion ta encera engaño, coercion of explotacion di vulnerabilidadnan, e ta bira un dilema moral. Manipulacion ineticamente di otro pa beneficio personal, daño of control ta ser condena ampliamente.

3. Tecnica Psicologico:


E tecnica psicologico cu ta envolve empatia, scucha activamente y compronde comportacion humano por wordo considera parti di e arte di influencia. E metodonan aki ta permiti hende pa establece un bon relacion, negocia efectivamente y media den conflicto sin recurri na tacticanan inetico.

4. E liña fini:

E reto ta pa defini unda persuasion legitimo ta termina y manipulacion ta cuminsa. E intencionnan tras di e accionnan aki hopi biaha ta determina si nan ta wordo percepcona como arte of comportacion inetico. Un deseo genuino pa yuda, convence of mehora un situacion generalmente ta wordo considera como persuasion etico, mientras cu manipulacion engañoso y egoista no ta.


5. Consideracion etico:

Finalmente, e etica di manipulacion ta trata e principionan di honestidad, transparencia y respet pa autonomia. Den ambiente profesional, e uzo di manipulacion pa logra beneficio mutuo por ser mira como un arte strategico. Sinembargo, den relacionnan personal, manipulacion emocional y engaño ta wordo considera dañino y destructivo.



Na final, e percepcion di manipulacion como un arte of un dilema etico ta depende di e metodonan y intencionnan tras di dje. Mientras cu e habilidad di persuasion por ta valioso y hasta por wordo mira como un forma di arte ora ta wordo uza eticamente, manipulacion poco etico di otronan ta pone preocupacionnan moral importante.

Logra e balansa adecuado entre influencia y manipulacion ta crucial pa nabega den e mundo complejo di interaccion humano.



Bin bishita nos y probecha!

Paña di bon calidad na bon prijs.

Adres: Avenida Milio J. Croes 47 local 3

Telefon: 5646733 - 5653466

E-mail: info@carlymar.com

DEPORTE

deporte@awemainta.com

Futbol Clasificacion Mundial 2026

Aruba ta empata cu St. Lucia



DIAMARS atardi Aruba a hunga su di dos wega pa clasificacion pa Mundial 2026 na Barbados contra su similar di St. Lucia. Despues di su derota na cas contra Corsou, nos seleccion tawata tin necesidad urgente di un resultado positivo na Barbados.

Aruba ta den grupo cu Corsou, Haiti, St. Lucia y Barbados y ta un rond so e grupo ta hunga. E prome dos team ta sigui p’e siguiente buelta. Aruba a cuminsa bon cu un bunita gol di cabes di Walter Bennett na di 21 minuut, y ta aumenta e bentaha na 2-0 na di 43 minuut pa medio di un penalty cobra pa Isai Marselia.

Net prome cu Half Time na di 45 min St. Lucia ta corta bentaha pa medio di nan delantero Ridel Stanislas. Peter Pearson ta empata e wega na di 67 minuut y esey ta bira tambe e marcado final.

Cu e resultado aki Aruba ta keda empata cu St. Lucia cu 1 punto den dos wega pero St. Lucia cu miho averahe di gol, ya cu den nan prome salida nan ta perde cu Haiti cu score di 2-1.



E weganan di clasificacion lo sigui otro aña na juni caminda Aruba lo topa Barbados dia 4 di juni na Barbados y dia 7 di juni na cas contra Haiti.

Pa Aruba logra pasa p’e siguiente buelta e lo mester gana ambos wega y spera cu Corsou lo por duna nan un man door di logra un victoria riba Haiti. Na September lo tin wega nan di Concacaf Nations League na Aruba. Aruba ta den Grupo C, hunto cu Haiti, Puerto Rico y St. Maarten.



E prome competidonan ta surgi

Revisando e bataya pa MVP di MLB



MIENTRAS e temporada di MLB ta yegando su punto medio, e bataya pa MVP ta bira mas interesante c'un combinacion di nombenan familiar y competidonan sorprendente cu ta laga nan marca atras. Aunke e ganadonan di aña pasa a keda for di e escena, varios hungado ta emergiendo como favorito tanto den e Liga Mericano como den e Nacional.

Den Liga Americano, hardinero Aaron Judge y Juan Soto di New York Yankees ta lidera e carga. Judge ta broma cu .305 di promedio di bateo cu 24 home run, mientras cu Soto ta sigui'e di cerca c'un .318 promedio y 17 home run. Otro competido importante ta Bobby Witt Jr., di Kansas City Royals, kende tabata un revelacion e temporada aki, batiendo .319 cu 11 home run y 19 base horta. José Ramírez, di Cleveland Guardians, cu su impresionante 62 careda impulsa den 63 wega, tambe ta keda un hungado critico den e combersacionnan tocante di e hungado mas valioso.

Algun di e favorito di e pre-temporada a sali for di ritmo. Corey Seager y Marcus Semien di Texas Rangers a haya problema di inconsistencia, mientras cu Julio Rodriguez di Seattle Mariners a cuminsa poco poco a pesar di e bon prestacion di su ekipo. Mike Trout su problema di lesion a pone su speranza di bira MVP un banda, y Yordan Alvarez di

Houston Astros no a mantene su standard halto di custumber e temporada aki.

Caranan nobo ta haciendo ola den e careda p'e MVP di Liga Americano. Gunnar Henderson, di Baltimore Orioles, a sali na cla, c'un .274 promedio di bateo y 21 home run. Su compañero di ekipo, Adley Rutschman, tambe ta ehecutando admirablemente, contribuyendo significativamente n'e exito di Orioles. Kyle Tucker di Astros cu 19 home run ta keda interesante a pesar di e problemanan general di Houston.

Den Liga Nacional, e duo di Dodgers di Los Angeles forma pa Mookie betts y Shohei Ohtani ta competidonan fuerte. Betts, cu awor ta hunga como shortfielder, tin un promedio di .309 cu 10 home run, mientras cu Ohtani tin un .310 promedio y 15 home run. Bryce Harper di Philadelphia Phillies a bolbe na su nivel di mas halto c'un .277 promedio y 15 home run, y Fernando Tatis Jr. di San Diego Padres a recupera di lesionnan di pasado pa bira un hungado clave pa su ekipo.

Segun cu e temporada ta progresa, e hungadonan aki lo sigui bringa, y cada wega por cambia e balans. E prestacionnan tempran ta sugeri un competencia emocionante, cu tur dos liga mustrandando talento y competencia increibel.

Best Fighters di Aracari Taekwondo Cup

DIASABRA ultimo a tuma luga den Centro di Bario Brazil Aracari Taekwondo Cup. Atletanan di diferente scol di Taekwondo a bringa pa ta best fighter y a demostra nan habilidad den Taekwondo.

Nos refereeenan Internacional Master Augy Tromp y Master Eric Barry tabata encarga pa scoge e miho bringadonan den diferente categoria.

Nan a scoge Tamara Erasmus y Alexon Ortiz como e miho bringadonan den e categoria Infantil. Quinten Klaber a sali miho bringado den e categoria Cadet. Pedro Medina a felicita tur e miho bringadonan y tur otro participante cu a participa den e Aracari Taekwondo Cup 2024.



Con Copa America a cambia Lionel Messi pa semper

LIONEL Messi, un di e deportista mas famoso di mundo, a experencia un transformacion profundo durante Copa America 2021. Durante añanan, Messi su relacion cu e seleccion di Argentina tabata plaga di presion y angustia. E tension aki a yega na su punto mas halto durante e final di Copa America 2016 ora Messi, abruma pa stress, a faya un penalty crucial den e tanda di penalty contra Chile. E derota a hiba Messi pa anuncia entre lagrima su retiro for di futbol internacional, solamente pa bolbe p'e Mundial di 2018, caminda el a enfrenta un decepcion mas grandi.

Durante mas cu un decada, e historia di Messi cu Argentina tabata di potencial incumpli y critica implacabel. Argentinonan a cuestiona su compromiso y pasion p'e seleccion nacional, specialmente ora cu compar'e cu Diego Maradona, nan venerado heroe di e Copa Mundial. A pesar di su exito cu Barcelona, caminda el a acumula hopi titulo y elogio, e accionnan di Messi cu Argentina a ser considera mediocre, loke a conduci na acusacion cu *"E no tabata importa e seleccion nacional."*

E presion constante tabata pisa riba Messi. E tabata lucha den torneonan importante, hopi biaha mustrando ansioso y desconecta. Su fracaso den e Mundial di 2010, e Copa America di 2011 y e Mundial di 2014 a lag'e emocionalmente caba. Despues di Copa America 2016, e tabata parece resigna pa nunca gana un titulo internacional importante cu Argentina. Su regreso p'e Copa Mundial di 2018 a termina cu un decepcion mas grandi, reforsando e narrativa cu e no por a hiba Argentina na gloria.

Tur cos a cambia durante Copa America 2021. Celebra na



Brasil den medio di e pandemia di COVID-19, e torneo a duna un ambiente diferente. Messi a lidera Argentina cu determinacion, anotando of asistiendo den nueve di su diesun golnan na caminda pa final. E cohesion di e ekipo y e liderazgo di Messi a culmina cu un victoria di 1-0 riba Brasil, sigurando e prome titulo importante di Argentina den 28 aña. Ora e pito final a zona, Messi a hinca rudia, abruma p'e emocion. Su compañeronan di ekipo a core pa celebra cu ne, lantand'e den aire reconociendo su logro.

E victoria den Copa America 2021 a libera Messi, dunand'e bek e confiansa y alegria di hunga cu Argentina. Segun Sergio Agüero, compañero di ekipo y amigo di Messi for di hopi tempo caba, *"ECopa America a cambia su bida. El a duna bida na dje. Despues di Copa America, el a bolbe ta feliz cu e seleccion nacional."* E victoria a duna Messi tranquilidad, permitiend'e finalmente pa asumi su rol di lider y heroe di Argentina.

Femke Bol ta celebra su di diesdos titulo



FEMKE Bol a domina un biaha mas e 400 meter di obstaculo n'e Campeonato Europeo di Atletismo na Roma, sigurando su di diesdos titulo importante. E atleta Hulandes di 24 aña ta sigui haya alegria y nificacion den su victoria. *“Ta special cu Cathelijn Peeters a gana brons”,* el a comenta.

Net prome cu e final, Bol a tuma un momento pa anima cu compatriota atleta Hulandes Douwe Amels, cu tabata competi den salto halto. Interumpiendo su propio preparacion, Bol a uni cu e multitud aplaudiendo Amels. *“Mi sa cu mi por enfoca lihe”,* Bol a bisa despues di su careda ganado di oro. *“Si mi por anima un compañero atleta Hulandes, lo mi haci'e. Keda demasiado concentra tur ora lo haci e deporte menos agradabel.”*

E enfoke relaha aki ta pone den evidencia e esfuerso consciente di Bol pa savoria su experiencia. Independientemente di su medayanan y su bentaha substancial riba su competidonan, e ta gradici profundamente cada victoria.

Riba diamars anochi, Bol tabata visiblemente superior na su shete competidonan den e final di 400 meter obstaculo. El a pone un record di e campeonato di 52.49 seconde, terminando casi dos seconde dilanti di e Frances Louise Maraval, cu a gana plata cu 54.23 seconde. A pesar di t'e titulo menos sorprendente di e campeonato, e alegria di Bol no a baha. *“Naturalmente, esaki ainda ta nifica hopi pa mi”,* el a bisa cu un sonrisa. *“Nunca mi kier pa gana titulo sinti*

rutinario. Ta increíblemente special pa gana un medaya den e Campeonato Europeo, y mi kier corda esaki pa semper.”

Bol su felicidad a bira mas grandi ainda ora Cathelijn Peeters a sigura e medaya di brons. Mirando e alegria di su compatriota a haci e anochi ainda mas memorabel. *“E hecho cu Cathelijn a yega di tres a haci e anochi aki ainda mas special”,* Bol a bisa. Cu 18 medaya y 12 titulo den su carera, Bol tabata aprecia celebra e exito cu Peeters, specialmente den e ambiente vibrante di Stadion Olimpico. *“E energia den e stadion a yudami den e ultimo 100 meter”,* Bol a añadi.

Manera custumber, Bol tabata hopi dilanti di su competencia den e liña final. *«Ta bon p'e 'gap' ta asina grandi»,* el a bisa modestamente. *“Mi no sa kico mas pa bisa. Pa mi, ta trata di ehecuta mi careda mas miho posibel.”*

A pesar di su alegria, Bol ta mira e Campeonato Europeo aki como un trampolin p'e Weganan Olimpico di Paris 2024, unda e ta aspira pa gana e unico titulo importante cu falta den su coleccion. Como parti di su preparacion, Bol a cuminsa e careda di diamars mas lihe cu normal, tratand'e como un oportunidad di entrenamiento p'e Weganan Olimpico. *“E tabata un tiki estresante pasobra mi ta haya dificil pa cuminsa lihe, pero mi tabata sa cu mi mester a haci'e pa tuma e siguiente paso pa Paris. Mi ta kere cu e ta bay bon. E anochi aki, lo mi disfruta di e gran careda aki y e titulo”,* el a conclui.

CIENCIA

‘Walking Tree’ di New Zealand

Un Rātā Gigante cu ta parece un Ent di Lord Of the Rings ta gana premio di e Mata di Aña

UN mata straño y gigantesco cu un par di troncon cu parece pia a wordo corona como e Mata di Aña na New Zealand, despues di a supera facilmente e resto di e competencia. Yama cariñosamente e “walking tree” pa su apariencia di ta canando, e ehemplar aki ta un rātā di nort (Metrosideros robusta), un di e especienan di mata cu flor mas halto di New Zealand, cu por biba te cu mil año. Su reisnan y su ramanan largo y arma ta haci cu e parece un Ent, e rasa ficticio di ser di mata cu ta proteha e bosnan di Middle Earth.

E mata sa ta solitario memey di un extenso sabana banda di un santana cerca di Karamea, n’e costa west di South Island. Cu un haltura di aproximadamente 32 meter, ekivalente na un edificio di shete piso, e ta destaca den e Registro di Mata di New Zealand.

Den e edicion 2024 di e concurso Mata di Aña di e Asociacion Arboricultural di New Zealand (NZArb), e mata canado a obtene 42% di e votonan publico, superando e otro cinco finalistanan. “El a destaca for di un comienso,” e organizado di e concurso, Brad Cadwallader a comenta na Radio New Zealand. Richie Hill, presidente di NZ Arb, a elogia e mata como un “caracteristica excepcional” y un “ehempel destaca di e matanan notabel cu e Neozelandesnan tin e fortuna di experiencia.”

Aunke no sa cu exactitud e edad di e mata canado aki, e Organisadonan di e premio a señala cu e ta e unico sobreviviente di un bos cu nan a rosa por lo menos 150 año pasa. “E famia di agri-



cultor di e temponan ey claramente a pensa cu e tabata special, p’ese y nan a lag’e,” Cadwallader a menciona.

E rātā di nort ta epifito, a cuminsa nan bida riba e superficie di un mata (host) prome cu el a desaroya reis aereo cu eventualmente a alcansa tera. E mata canado probablemente a cuminsa su bida mas na laira den e bast di su host, bibando di aire y awasero prome cu

el a yega abao. Su disposicion di reis inusual probablemente ta debi na con el a crece rond di su mata (host), cu probablemente a muri hopi siglo atras. “E mata host ya no t’ey,” Cadwallader a splica. “Kisas e tabata hopi grandi o por ta cu otro mata a cay riba dje, provocando cu e reisnan a parti cerca di e suela, dunando’e e apariencia di ta cana.”

Revelacion di abismo

Estudio nobo ta detaya structura compleho bao di zona di subduccion di Cascadia

UN barco di investigacion cu ta forma parti di un proyecto dirigi p'e Universidad di Columbia (Merca), a realisa e prome estudio extenso di e cantidad di structura compleho cu ta bao di e fondo marino den un zona considera como un di e principal riesgonan geologico di mundo

Un luga hopi peligroso

Dilanti di e costanan di ocean Pacifico, na Norte America, tin un strip di casi mil kilometer di largura caminda cu e fondo di e ocean ta sink lentamente bao di e continente. E luga aki, yama e zona di subduccion di Cascadia, ta ubica un megafayo di empuhe caminda cu e placanan tectonico ta move entre si di forma altamente peligroso. E movimiento aki ta genera un tension enorme cu eventualmente ta libera provocando e mayor temblornan di mundo.

Un fayó di e tipo aki dilanti Hapon a provoca e desaster nuclear di Fukushima na 2011. Ta existi zona similar dilanti Alaska, Chile y New Zealand, entre otro luga. Na Cascadia, ta kere cu e temblornan grandi ta tuma luga aproximadamente cada 300 of 500 año. E ultimo a sosode na 1700.



Estudio nobo

E bapor di investigacion Marcus G. Langseth, a lastra un serie di instrument geofisico di ultimo generacion a lo largo di casi henter e zona, den un biahe di 41 dia na 2021. E diapositivonan a bordo a penetra e fondo marino cu pulso potente di zonido y a lesa e econan, cu despues a converti den imagen, algo similar na loke e dokternan a crea cu scanning interior di e curpa humano. E datonan recopilá a permiti establece e geometria di e placa oceanico descendiente, e sedimentonan y e composicion di e placanan superior di Norte America.

“E modelonan cu e agencianan publico ta uza actualmente ta basa riba un conhunto limita di e datonan bieu y di calidad abao di e decada di 1980,” Suzanne Carbote, geofisico marino di e Observatorio Terestre Lamont-Doherty, cu ta forma parti di e Scol Climatico di e Universida di Columbia, a comenta. “E megapush aki tin un geometria hopi mas compleho di loke a aparenta anteriormente. E estudio ta proporciona un cuadro nobo p’e evaluacion di e peligrosnan di temblor y tsunami,” e experto a sigura.

Un hallazgo clave

E investigadonan a enfoca riba un segmento en particular di



e megafayo, cu ta extende for di zuid di e isla di Vancouver (na Canada) a lo largo di e estado di Washington) y ta caba mas of menos n'e frontera di Oregon (ambos territorio di Merca).

Den e otro segmentonan di e fayó, e mayor parti di e interface, entre e placanan propenso na temblor, ta ubica den lama habri, pero aki e estudio a haya cu e angulo di subduccion poco profundo ta nifica cu probablemente por magnifica cualkier temblor riba tera.

“E ta rekeri hopi mas estudio pero pa luga manera Tacoma y Seattle, por nifica e diferencia entre alarmante y catastrofico,” Harold Tobin, geofisico di e Universidad di Washington y co-autor di e estudio, a señala. E investigacion a wordo publica diabierna ultimo den Science Advances.

Predici temblor?

E investigadonan ta subraya cu no por predici un temblor. Loke realmente por haci ta pronostica e probabilidadnan di multiple escenario, cu e speransa di yuda e autoridadnan na diseñá codico di construccion y sistema di alerta pa minimalisa e daño ora cu algo sosode. Compronde e structuranan y e mecanica subteraneo di e zona di subduccion di Cascadia lo permiti delinea e luganan mas susceptibel na temblor, con grandi nan por ta y ki señal di advertencia nan lo por produci.

Gobierno di Aruba ta condena tur tipo di abuso contra nos muchanan

“Ta solamente uni, nos por logra pa nos yiunan ta protegi contra esnan di menos bon intencion”

MIRANDO e sucedido ultimo dianan relaciona cu un crèche specifico na unda a tuma luga abuso contra criaturanan indefenso, Prome Minister Evelyn Wever-Croes kier a bin dilanti pa expresa su disgusto y sentimento pa cu e actonan baho asina, cometi contra esnan mas vulnerabel, cu ta nos muchanan. El a indica cu proteccion di nos muchanan semper tabata y ta un prioridad di gobierno y cu Gabinete Wever-Croes lo sigui traha na purba combati e tipo di abusonnan aki.

Desde inicio di gobernacion di Gabinete Wever-Croes gobierno a haci tur loke tabata na nan alcance pa purba yuda na preveni e abuso contra nos muchanan.

- Gobierno a traha/cambia leyman y proceduraman pa percura pa haci e castigo pa cu e acto aki mas severo. Na 2020, gobierno a hisa e castigo n’e maximo.
- A purba traha riba prevencion y educacion cu ta hopi importante pa yuda preveni. A bin cu ley di crèche, ley di



proteccion di mucha y hoben, ouderenplan.

- A pone mas atencion n’e veld social biniendo cu e Codigo di Proteccion, “Signs of Safety
- A firma MOU’s pa cuida di victima
- A construi e Family Justice Center
- Na 2021 institui e departamento di mucha y hoben
- A institui FACT team Kind en Jeugd Sociaal Psychiatrische Dienst

Desde aña 2019, Bureau SosteneMi t’e punto central, e asina yama Advies y Meldpunt (AMK), pa raporta maltrato di mucha. Segun nan cifranan, pa aña tin alrededor di 400 caso di abuso contra nos muchanan, pero no tur ta trata di maltrato of abuso sexual pero si e dalmento di mucha ta pasa hopi na Aruba y ta wordo normalisa. E actonan aki no ta aceptabel ni pa gobierno ni pa comunidad en general, y p’esey lo sigui traha na enforsa e leyman di proteccion pa nos muchanan.

“Ta hopi importante pa mayornan cuminsa scucha y kere den nan yiunan. Na momento cu bo yiu bisa bo cu nan no kier frecuente cierto luga y/of persona ta bon pa pone atencion y cuminsa averigua e motibo tras di e comportacion aki. Proteccion di nos muchanan ta cuminsa na nos mes, na nos como mayor pa siña pone atencion na comportacion di nos yiunan, y mas importante cuminsa kere den nan. Gobierno por bin cu tur ley, pero si a nos mes no ta scucha nos criaturanan, e problema ta bira mucho mas dificil pa combati. Ta solamente uni, nos por logra pa nos yiunan ta protegi contra esnan di menos bon intencion” Prome Minister a expresa.

Pa denuncia un caso di abuso di mucha of pa conseho por yama gratis: 588 1010 of email: sostenemi@aruba.gov.aw



AHATA ta contribui na un educacion mas accesibel na San Nicolas

ARUBA Hotel & Tourism Association (AHATA) ta apoya educacion na San Nicolas cu un donacion di AFL 25.000 pa Sociaal Fonds Colegio Nigel Matthew (SFCNM). E contribucion ta forma parti di e esfuersonan continuo di AHATA pa inverti den preparacion di Aruba su forsa laboral.

E donacion a ser presenta pa presidente y CEO di AHATA, Sra. Tisa LaSorte, na presidente di e fondo social, Sra. Magaly Maduro, y miembro di e directiva, Sr. Nigel Matthew. E fundacion tin como mision pa yud

a hobennan enfrentando limitacion financiero cu e fondonan necesario pa finalisa nan estudio secundario na Colegio Nigel Matthew na San Nicolas.

Sra. LaSorte a resalta e importancia di



e fundacion su trabou, y ta contento cu e contribucion lo ta un inversion den e futuro di studiantenan di San Nicolas, brindando nan cu un miho oportunidad pa desaroya nan mes den un ambiente di estudio cu ta cultiva e potencial di tur alumno.

AHATA ta keda firme den nan planes pa sigui colabora cu scolnan na Aruba y dedica recursonan na un educacion mas accesibel, asina creando mas impacto positivo den e preparacion di nos hobennan y di nos futuro forsa laboral.



PASEO HERENCIA

COMFORT, FOOD AND COCKTAILS



FOR SHOWTIMES AND ONLINE TICKETING:
WWW.CARIBBEANCINEMAS.COM

 **787-999-3292**

 **@caribbeancinemasaruba**

 **Caribbean Cinemas Aruba**

DOWNLOAD OUR APP

 GET IT ON
Google Play

 Download on the
App Store

Minister Maduro di Finansa ta na Merca e siman aki

Pa reuni cu inversionistanan riba mercado internacional di capital

E siman aki Minister Maduro di Finansa ta na Merca p'asina por reuni cu inversionistanan riba e mercado di capital internacional cu ta deposita nan confiansa den Aruba.

E mandatario lo bishita inversionistanan na 5 diferente ciudad den 5 dia di trabou.

Aruba tin como 25 aña activo riba e mercado internacional di capital p'asina por cubri e necesidad financiero di nos Pais. Debi n'e pandemia Aruba tabata algun aña ausente.

Mientrastanto nos Pais su economia a recupera grandemente y a haci reforma necesario cu a percura p'e credibilidad financiero di Aruba por a crece. E storia di recuperacion di Aruba ta uno impresionante y ta importante p'e inversionistanan haya sa di esaki.

Durante e reunionnan informacion ta wordo brinda di e recuperacion economico y financiero

di Aruba, e maneho di debe, e reforma cu ta tumando luga den cuadro di e Landspakket, e plan di Aruba pa atende cu retonan financiero di cambio climatico, informacion riba e inversionnan cu ta tuma luga y ta duna bista riba e rendimiento financiero di e companianan estatal Aruba.

Minister Maduro di Finansa ta haci uzo di e oportunidad tambe pa gradici tur e inversionistanan internacional cu ta kere den Aruba y cu hasta tempo di pandemia a keda brinda Aruba nan confiansa.

"Ta dianan pisa di trabou, pero nos ta contento di por representa Aruba dignamente, contando e storia di e esfuerzo di nos hendenan pa percura pa Aruba por recupera e credibilidad financiero cu ta duna inversionistanan e confiansa cu nan inversion ta sigur na Aruba," ta palabranan di Minister Maduro di Finansa cu ta resumi e necesidad y importancia di su biahe di trabou.



Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lónico

Masaje Reductor

Masajes reductores contiene:

- Aparatología Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

+297-740-5235
 Ubicación bajo demanda

1 aña di Prisma t'e prome paso pa prepara bo yiu pa drenta scol basico

SKOA a habri su inscripcion pa e programa di "Schakelklas Prisma" cu ta pa muchanan cu no ta domina e lenguahe di Hulandes.

Kico ta Prisma?

Prisma ta un programa di 1 aña cu ta enfoca ariba e idioma di Hulandes pa asina prepara muchanan cu no ta papia Hulandes mas miho posibel pa nan integra den scol regular exitosamente, caminda Hulandes ta e lenguahe primario den e curiculo. E programa di Prisma ta evalua alabes e desaroyo academico a base di cada mucha su prestacion di siñamento y tambe nan desaroyo social - emocional cu ta importante pa nan crecimiento en general.

Con pa inscribi pa Prisma?

Por aplica via website www.skoa.aw pa asina inscribi completamente online. Bay riba e website y click ariba inschrijven y despues scoge pa Prisma. Di eynan mester sigui e instruccionnan ariba e



website pa completa e aplicacion di cada mucha. Si tin duda con pa inscribi via nos website por pasa libremente na nos oficina di SKOA situa na Copernicusstraat 11, Aruba durante orario di oficina entre 8am - 12pm y 2pm - 4pm.

Por haya mas informacion ariba nos website www.skoa.aw y tambe por yama nos directo na (+297) 523 1800 durante orario di oficina.



SIGN UP NOW


VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

**45%
OFF**



**FREE
MICROCHIP**

Minister di Turismo & Salud Publico a bishita 'Job Fair' cu a tuma luga pa di 3 año consecutivo




MINISTER Dangui Oduber a bishita e di tercer “Job Fair” organisa pa Aruba Food & Beverage Association. Tawata tin 27 diferente booth dunando informacion encuanto oportunidad pa trabou. E Job Fair a resulta den un exito tremendo cual 1,500 hende a pre-registra pa e evento, mientras cu hopi mas hende a bishita durante dia spontaneamente, demostrando un gran interes pa oportunidadnan di trabou.

E “Job Fair” a habri su portanan trempan y entre 9am cu 10am a ricibi specialmente hobennan, asina enfocando riba duna e hobennan informacion pa yuda cu escogencia pa nan carera den futuro. A dedica na permiti studiantenan pa haci preguntanan relevante y ricibi informacion amplio ariba varios posibilidad di carera disponibel pa despues cu nan termina nan estudio. Studiantenan di EPB Hato y San Nicolas a participa cu entusiasmo, combersando cu profesionalnan di e industria.

Minister di Turismo y Salud Publico, durante su bishita, a enfatisa e importancia di tal eventonan pa muestra posibilidad di carera y asina cera e “gap” entre educacion y empleo. “E gran cantidad di hende cu a acudi na e job fair ta muestra e entusiasmo di e comunidad pa explora oportunidadnan nobo di trabou y e importancia di conecta nos hubentud cu posibel trabounan. E iniciativa aki ta un paso vital pa sigura cu nos futuro forsa di labor ta bon prepara y informa.” – Minister Dangui Oduber a expresa.

E job fair a demostra e exito di nos turismo y tambe tur e cuponan di trabou cu tin actualmente na Aruba.

E exito di e job fair di e año aki ta subraya e necesidad continuo pa iniciativanan asina aki, apoyando tanto estudiante como esnan cu ta busca algo otro den nan carera. Minister Dangui Oduber ta duna danki y un pabien na Aruba Food & Beverage Association pa organisa e evento y ta desea nan tur clase di exito pa e año cu ta bini, y cu e evento sigui ta uno fuerte conectando personanan cu ta buscando trabou, conectando hobennan cabando nan estudio cu e forsa laboral.



PRIME MINISTER TA FELICITA COMUNIDAD FILIPINO CU E 126 ANIVERSARIO DI INDEPENDENCIA DI FILIPINAS

DIARANSON 12 di juni, na Wilhelmina Park, a tuma luga e ceremonia di e 126 aniversario di Independencia di Filipinas y e di 21 aña cu a hisa e bandera di Filipinas na Aruba. E aña aki e celebracion di e dia di Independencia ta basa riba e tema Kalayaan. Kinabukasan. Kasaysayan, cu ta representa e esencia di Libertad, Futuro y Historia di e soberania di e pais.

Consul di Filipinas na Aruba, señora Ami Henriquez-Mendez hunto cu e comunidad Filipino a celebra e fecha significativo aki cu un ceremonia festivo y colorido y un festival di cuminda reflehando e cultura y herencia di Filipinas. Durante e ceremonia a interpreta e himno nacional di Filipinas, “Lupang Hinirang” (Patria Adora) y a hisa e bandera. Señora Ami Henriquez-Mendez durante un discurso conmovedor a dirigi su mes na su comunidad y na tur presente destacando e importancia di unidad y orguyo nacional.

“Awe no ta solamente un ocasion pa celebra, pero tambe pa reflexiona riba e resiliencia y e spirito luchado di e pueblo Filipino. Den nomber di mi persona y Gobierno di Aruba, mi ta extende mi mas sincero palabra di felicitacion na Consul di Filipinas señora Ami Henriquez-Mendez y n’e comunidad Filipino na Aruba cu e celebracion di Dia di Independencia di Filipinas. Aruba tin un comunidad grandi di Filipinas y a traves di e añanan nan a contribui hopi cu e economia di Aruba y p’esey nos semper ta agradecido. Mi ta desea e comunidad Filipino hopi exito y prosperidad y laga e conmemoracion sigui inspira e generacionnan di presente y futuro pa balora y preserva nan independencia y patrimonio cultural”, Prime Minister a expresa.



Minister di Cultura Xiomara Maduro:

Nos muchanan di scol a briya cu nan talento durante competencia di baile den WE 2024

DIABIERNA ultimo Xiomara Maduro tabata presente na Entertainment Center pa presencia e Competencia di Baile Deportivo y Cultural di Weganan Escolar (WE) Aruba 2024. Tabata un bunita evento cu un asistencia grandi di nos muchanan di scol hunto cu nan mayornan y demas publico a presenta y apoya nos muchanan den e competencia di talento y coreografia di bailenan cultural, deportivo y moderno entre e alumno y tambe docentenan di tur e scolnan participante.

Minister di Cultura a hiba palabra na un y tur presente y a trece dilanti cu pa su persona ta un honor di por ta presente pa dirigi palabra na un evento special caminda nos muchanan di scol ta demostra nan talento den baile, un evento cu cada aña a bin ta creciendo y nos muchanan briyando riba tarima expresando nan talento den baile. Sigur como mandatario e ta admira y ta hopi contento y orguyoso di mira nos muchanan demostrando nan talento y nan aprecio pa locual ta e cultura di nos pais riba tarima, como tambe ta inclui nan talento den baile moderno.

E aña aki un total di mas di 8 scol preparatorio, special y basico a subi tarima y presenta nan show di baile cu un coreografia prepara especialmente pa e competencia aki. Ademas e aña aki a bini acerca e competencia di maestronan di scol tambe. Tabata un bunita programa prepara cu presentacion di scolnan y na final tabata tin presentacion sorpresa di Jeon cu as duna un tremendo presentacion y a trece un ambiente den Entertainment Center. Esakinan tur a contribui na un exitoso evento escolar. Minister Maduro ta gradici tur scol, - participante, -docente y dirigente di baile, como tambe e cuerpo di hurado pa nan gran responsabilidad.

Durante e anochi aki tabata tin un momento special caminda Minister di Cultura Maduro y Minister di Deporte Croes den nomber di Gobierno a entrega Jhon Freddy Montoya di Departamento di Cultura un reconocimiento pa comparti su talento y asisti y guia durante nos scolnan pa participa den e competencia di Baile Escolar den e Weganan Escolar.

Ademas e mandatario ta felicita y ta gradici su colega Minister di Enseñansa y Deporte Endy Croes, tur departamentonan di Gobierno, IBISA, Departamento di Cultura, Comision encarga cu e organizacion di Weganan Escolar 2024 y boluntarionan cu a yuda pa por a haci e competencia di Baile Deportivo y Cultural Escolar e aña aki otro



exito grandi. Masha pabien na e ganadonan y danki na tur scol y alumnonan cu a participa, masha danki pa biba nos cultura.

RECETA DI DIA

Aki bo tin un otro receta facil y lihe pa prepara: **Dushi Quesadilla y Galiña**



Ingrediente

2 pecho di galiña
1 telep di salo
1 telep di pepper
1 telep di comino
1 telep di paprika
1 cuchara di azeta di oleifi
1 cup di keshi cheddar raspa (of bo keshi faborito)
4 tortilla di hariña
½ cup di siboyo corta chikito
½ cup di promenton cora corta chikito
¼ cup di cilantro fresco corta (opcional)
Guacamomle, salsa y sour cream pa compaña

Instruccion

1. Prepara e galiña: Sasona e pechonan di galiña cu salo, pepper, comino y paprika. Keinta e azeta di oleifi den un panchi grandi riba candela medio halto. Cushina e pechonan di galiña durante 6-7 minuut, of te ora nan ta completamente cushina. Saca e pechonan for di e panchii y lag'e

reposa durante algun minuut prome cu corta nan den repi fini.

2. Prepara e ingredientenan: Den e mesun panchi, añadi e siboyo y e promenton cora. Cushina durante 3-4 minuut of te ora nan ta suave.

3. Arma e quesadillanan: Pone un tortilla den e panchi. Plama e capa di keshi raspa riba mita di e tortilla. Añadi e repinan di galiña cushina, un poco di e mescla di siboyo y promenton y cilantro fresco corta (si bo ta uzando). Dobra e tortilla den mita, cubriendo e reyno.

4. Cushina e quesadillanan: Cushina e quesadillanan durante 2-3 minuut pa banda of te ora cu e keshi dirti y e tortilla ta bruin y crunchy. Ripiti cu e tortillanan restante y e reyno.

5. Sirbie: Corta e quesadillanan den triangel y sirbi nan cayente cu guacamole, salsa y sour cream.

Disfruta di bo quesadillanan di galiña!

Fortaleza pa Famia

Si nos warda maldad den nos curason, Dios no ta tende nos oracion


DEN *Salmo 66:16-20* tin un splicacion cu mester hala atencion di tur hende bisando: Bin y tende, boso tur cu ta teme Dios, y lo mi conta boso loke E a haci pa mi alma. Mi a sclama na dj'E cu mi boca, y E a wordo glorifica cu mi lenga. Si mi a warda maldad den mi curason, Señor lo no a tende mi, ma di berdad Dios a tende. E a paga atencion n'e bos di mi oracion. Bendiciona sea Dios, Kende no a rechasa mi oracion, ni a kita su misericordia for di mi.

Aki nos por lesa un parti di historia di rey David, kende a drumi cu Betsabe, y e ta tabata bon na altura cu Betsabe tabata casa, pero tambe e a manda mata e casa di Betsabe yama Urias, p'asina sconde su pica p'e asunto keda tapa, pero pa Dios nada no ta keda scondi ni maske con rico un persona ta, ni tampoco su posicion politico, mandatario, y ni maske e ta un rey, pasobra Dios ta odia pica y malicia.

Dios a manda profeta Nathan cerca dje pa kita su mascarada, saca e maldad na cla, y asina David a arepentí, pidi pordon na Dios, y biba, y tabata un baron conforme na Dios su curason (*Hechonan 13:22-23*).

Tin cosnan cu nos por haci, cu ta pone cu Dios no ta scucha nos oracion.

- Ora nos ta ignora e pover (*Proverbionan 21:13*), esun cu ta cera su horea pa sclamacion di e pover, e tambe lo sclama ma lo no wordo contesta.
- Ora nos ta duda cu Dios ta duna sabiduria, (*Santiago 1:5-7*) Ma si cualkier di boso falta sabiduria, lag'e pidi Dios, Kende ta duna na tur hende generosamente, y sin reproche, esaki lo wordo duna na dje. Ma lag'e pidi den Fe, sin ningun duda, pasobra esun cu duda, ta manera ola di lama, cu ta wordo lastra y tira door di biento. Pasobra no laga e hende ey spera cu e lo ricibi algo si Señor, siendo un hende di curason dobel, inconstante den tur su caminanan.
- Ora nos ta Orguyoso (*Santiago 4:6*). Ma e ta duna un gracia, mas grandi ainda. P'esey scritura ta bisa; Dios ta resisti e orguyosonan, ma ta duna gracia n'e humildenan.
- Ora un hende ta orguyoso y no kier arepentí, y kier sigui biba den su maldad, su comunicacion cu Dios ta kibra.
- Ora nos ta violento (*Isaias 1:15*) P'esey ora boso habri



boso mannan den oracion, Lo mi sconde Mi wowonan pa boso, si maske boso haci hopi oracion, Lo mi no scucha. Boso mannan ta yen di sanger.

- Ora bo ta trata bo esposa malo (*1 Pedro 3:7*) Mescos boso, esposonan biba cu boso esposanan cu compendemento, manera c'un vaas mas delicado, como cu e ta hende muhe, y dun'e honor como coheredero di e gracia di bida, pa boso oracionnan no wordo stroba.
- Ora nos ta egoista (*Santiago 4:3*) Boso ta pidi y no ta ricibi, pasobra boso ta pidi cu motibo robes, pa boso gast'e den boso placernan. Hopi biaha por sosode cu nos ta pidi pa un necesidad, pero den nos cabes nos tin otro plan, e ora ey Dios no ta tende nos oracion.
- Ora nos ta trata hende malo, ora nos ta apoya maldad y inmoralidad (*Mikeas 3:4*) Boso ta odia bondad y stima maldad (*No lubida riba Isaias 5:20*).

P'esey semper prome cu nos haci oracion, laga nos pone nos curason recto cu Dios pa nos oracion wordo scucha.

Sinceramente, Pastor Marcel Balootje

Parlamentario Marco Berlis (MEP):

Miguel Mansur su 3 amiendanan a wordo rechasa pa tur 20 parlamentario

DIALUNA 13 di Mei 2024 tabata tin e reunion publico den Parlamento tratando e ley di Kiesverordening. E ley cu a wordo introduci pa gobierno a wordo presenta na Parlamento y tabata contene algun cambio riba e ley existente.

Cambionan di e ley di Kiesverordening

E cambionan introduci pa e ley nobo tabata pa sigura e privacidad di nos ciudadanonan durante eleccion den futuro. Aruba, manera tur otro nacion den exterior mester cumpli cu tratadonan internacional cu ta sigura privacidad y siguridad di nos ciudadanonan. Data personal cu ta publico, por cay den mal man y facilmente por wordo maluzo. E otro cambio den e ley tin di haci cu procesonan di ICT.

Miguel Mansur a presenta tres amienda.

Miguel Mansur a presenta 3 amienda cu e tabata kier a uza pa cambia e ley di Kiesverordening;

- 1. Amienda 1:** Personanan cu mas voto riba listanan politico ta bira parlamentario.
- 2. Amienda 2:** Bin cu un preeleccion pa wak si partidonan chikito ta clasifica pa eleccion.
- 3. Amienda 3:** Baha drempel di restzetels. Esaki pa partido chikito haya mas. Sinembargo por a nota cu Miguel Mansur no a pidi niun parlamentario pa sostene e amiendanan aki y a entrega esakinan cu un firma so. Sinembargo, Reglement van Orde ta exige pa cada amienda mester wordo sosteni pa un minimo di tres parlamentario pa e por wordo trata den Parlamento.

Tur tres amienda di Mansur rechasa pa tur 20 parlamentario

Ora cu e Presidente di Parlamento sr.Edgard Vrolijk a tuma nota di esaki, el a hala atencion di sr.Mansur y miembronan di parlamento. Presidente di Staten a puntra den sala si tin algun miembro di parlamento cu lo desea di sostene y firma e amiendanan di Mansur. Na final mester bisa cu ni un parlamentario kier a sostene Mansur su amiendanan, cual sigur a pone Miguel su fuse bula. No ta conoci pakico oposicion den bancarota no a sostene e amiendanan ya cu niun di nan kier a vocifera nan opinion.


Controversial: Mansur no a busca consejo di Raad van Advies pa su cambionan di ley

Ademas Mansur no por a presenta un consejo di Raad van Advies riba su cambionan di ley. Mansur kier a simplemente buldoze e cambionan, mientras e mes semper ta exige tur tipo di consejo ora gobierno ta presenta leynan den Parlamento. Esaki sigur ta parti di un proceso di ley ora e cambio ta grandi.

Miguel Mansur manera custumber ta resorta na insulto y ofensa.

Den segunda tanda Miguel Mansur ta sali cu su racha di ofensa di custumber na tur 20 parlamentario cu a laga su amiendanan cay. Ta bon pa menciona cu

dos di “su” amiendanan tabata ideanan cu e la copia di Raiz, cu cual e no a ni consulta obviamente, y kier a pasa dilanti nan nanishi pa gana popularidad y voto. Mansur no solamente a demostra di ta instabil pero tambe inconfiabel, ya cu e ta traiciona esnan cu ta traha cu ne. Ta p’esey mes niun di e otro binti parlamentarionan a sostene Mansur den su actitud y proposicion inapropia, sin consejo di Raad van Advies y a rechasa su amiendanan.



Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento inesperadamente di:

Robert Francis Nieuw

Miñor conoci como: :Bob"
*29-01-1948 - †10-06-2024

Na nomber di su:
Yiunan:
Pamela van Gelderen-Nieuw y esposo Harry van Gelderen
Melanie Nieuw y pareha Stephan Koppes

Nietonan:
Amber y Richard van Gelderen

Rumannan:
†Philip Nieuw
Sophia Weenink-Nieuw
Elaine Lamme-Nieuw
Angeline Curiel-Nieuw
†Claudette Nieuw
Arthur Nieuw

Swa y cuñanan:
Carmen Nieuw-Casper
Hans Weenink
Dirk Lamme
George Curiel

Despensa nos si den nos tristeza nos por a lubida un of otro persona

Ta invita pa e acto di despedida cu lo tuma lugar **diabierna 13 di juni 2024** di 9:00 pa 11:00 am na Aurora Funeral Home. Acto di cremacion lo tuma lugar den seno di famia.



I've lived a full life
I traveled each and every highway
and more, much more than this
I did it my way

Nos ta anuncia fayecimento di:

Yolanda Eline Leslie-Dieffenthaler

*23-12-1954 - †07-06-2024

Na number di su:

Esposo: Franklyn Leslie


Yiunan: Trevor y Donovan Leslie

Amiganan: Irene Robles de Medina, Magriet Geerman, Rodeetta Noordwijk,

Demas famia: Leslie, Dieffenthaler, van Eer y demas ex-coleganan di ETAO y Fundacion Respeta Mi y tur otro amigo- y conocirnan.

Despensa nos si den nos tristeza nos por a lubida un of otro persona.

Ta invita pa e acto di despedida cu lo tuma lugar **diabierna 13 di juni 2024** di 2:00 pa 4:00 pm na Royal Funeral Home. Acto di cremacion lo tuma lugar den seno di famia.



¡Dios es mi salvación!
Confiaré en él y no temeré.
El Señor es mi fuerza,
el Señor es mi canción;
¡él es mi salvación!»,

Cu inmenso dolor na nos curazon n
os kier anuncia fayecimento di:

Carmen Ivelisse Cornelio Pineda De Angel

Cariñosamente yama: "Mamita" of "Boyo"
*20-03-1962 - †07-06-2024

Na number di su:

Yuinan: José Humberto Cornelio
Ramón Porfirio de los santos Cornelio
Angelina Angel de Rodriguez Beltre

Swa: Starlin, Javier, Rodriguez Beltre

Nietonan: Ramón de los santos
Abigail de los santos
Abisrael de los santos
Ashwayne.S.D, Rodriguez Beltre
Rowayne .S,Rodriguez Beltre
Dereck Xavier Cornelio

Rumanan: Dancy Cornelio Pineda
María Luisa Cornelio
Franklin Rafael Cornelio
Yndira Pineda
Ricardo Rafael Cornelio

Sobrinosen: Dancing Paola Heredia
Patricia Candelina Santana Cornelio
Adeonis Rafael Santana Cornelio
Mónica Quezada Cornelio.

Amigos y conocirnan: Rodri, Fior, Martha, Marisol,
Idalia, Wilson, Ramona, Yaha, Kathy, Deyanira,
Davia, Zulimar.

Demas Famia: Bienvenido, Juan Carlos, Gavina,
Juan Carlos JR (Carlitos), David.

Oportunidad pa condolencia lo ta **Diabierna 14 juni 2024** di 7or pa 9or di anochi na Pray Funeral Home na San Nicolaas.

Entiero lo tuma lugar **Diasabra 15 juni 2024** pa 3:30 di atardi na Santana Central na Sabana Basora. Nos ta lamenta cu despues di entiero nos lo no ricibi bishita di condolencia na cas.



Laga tur loke ta spera mi ta bunita,
laga tur locual cu mi encontra
na caminda ta bunita
laga tur locual cu mi laga atras keda bunita y
laga esakinan termina den tur bunitesa.

Cu dolor na nos curason, nos ta anuncia
fayecimento di nos ser stima:

Aura Solognier-Delany

*27-06-1937 - †02-06-2024

Su casa: †Theodoor Solognier

Yiu: Dennis Solognier y famia

Yiu di ciansa: Marc Derrick

Nieta: Pamela Solognier

Rumannan:

†Margaretha Croes-Delany y famia
Miriam Geerman-Delany y famia
Thomas (Tom) Delany y famia
†Clarence Delany y famia

Tur su sobrino- y sobrinanan, lhanan, comer- y compenan.

Machinita y grupo di oracion:
Fé Speranza Amor

Miembro nan di cata comenares
Tur su bon amiga nan di cas, su bon bisñanan

Famia na Corsou:
Henriquez, Balentin y Bratwaith.

Demas famianan:

Delany, Solognier, Henriquez, Croes, Geerman,
Lampe, Wever, Lopez, Haynes, van der Biezen,
Quandt, den Hertog, Green, Hassel, Hernandez,
Koolman, Loopstok, Angela, Malmberg, Lejuez,
Peterson, Halley, Whathy

Ta invita pa acto di entierro cual lo tuma lugar **diabierna 14 di juni 2024** na Misa Inmaculada Concepcion na Sta Cruz di 2'or pa 4'or di atardi

Despues lo sali pa Santana Catolico na Sta Cruz.

Nos disculpa si den nos tristesa nos por a lubida algun famia of conocir.
Despues di entierro nos no por ricibi bishita di condolencia na cas.



With this announcement we
would like to thank each and everyone that stood by us
through the passing of our beloved father and opa

Pieter Bernardus (Benny) Aloisius Sloterdijk

*December 31st, 1924
†May 24th, 2024

We are so thankful for your kind thoughts and words,
gestures, calls, support, monetary donations, and
foremost for being there for us in our moment of sorrow,
Carol and Pieter

Plachi pa graaf



Porcelana, granite of marble

- ✓ No ta cobra extra pa letter
- ✓ Servicio Rapido
- ✓ Installacion
- ✓ Material di Calidad
- ✓ Design

☎ 6990495



www.laycro.com



Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu inmenso dolor na nos curason, nos ta anuncia
fayecimento inespera di:

Jarick Patrick
Steven Farro

*17 oktober 1992 †24 mei 2024

Den nomber di su:

Pareha di bida:

Shanelly de La Cruz Medina

Mama cu ela stima: Jacky Feliciano

Tata: Patrick Steven Farro

Cacho stima: Benjamin (Bencho)

Rumannan:

Jenneline Farro Y Josh Silva

Joselyn Farro y David Puriel

Sobrino y subrinanan cu ta su adoracion:

Jedion y Jedelyn Farro

Jendrick Lacle

Jeremiah y Jack Silva

Welo y welanan:

Cerilia de Cuba

†Editha Farro

†Sixto Feliciano y Sra viuda Stella Feliciano Weller

Cuña:

Estefania de la Cruz Medina y Alejandro Peguero

Serrata

Tanta y Omonan:

Sharlyn y Joe Fields-Feliciano

Milly Feliciano

Stephen y Sue Feliciano Giel

†Jan Hendrick Tromp y Sra viuda Miriam Tromp

Imbago

Valentina Tromp, su tanta stima

Rieke Tjong

Perry Tjong

†Jerry Rasmijn y Sra, vda Cecilia Rasmijn-Santos

†Moirá Rasmijn

Michella Rasmijn

Sharine Rasmijn

Demas primo y primanan, tur su amigo- y
amiganan demasiado pa menciona tur, ex
coleganan

Y demás familia:

Farro, Feliciano, de La Cruz Medina, Filiciana, Silva,
Puriel, Lacle, de Cuba, Paalman, Weller, Fields,
Giel, Imbago, Tromp, Tjong, Wever, Rasmijn, Tjon
A Jong, Webb, Leon, Santos, v/d Biezen, Jones,
Eckmeyer, Leung, Paesch, Petrochi, Gomez,
Quandus, Peguero Serrata y Vega.

Ta invita demás familia, amigo y conocinan
pa asisti na e acto di entiero cu lo tuma lugar,
Diasabra 15 di juni, 2024 for di 11:30 di mainta
Jarick lo ta reposa na the Royal Funeral Home y for
di 2'or pa 4'or Jarick lo ta reposa den misa Santa
Ana na Noord, y después pa santana na Sabana
Basora.

Dia di condolencia:**Diabierne 14 di Juni, 2024** for
di 7.00pm pa 9.00pm na su cas, Hooiberg # 14-D (Bright Bakery bin zuid)



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

A bay drumi den braza di Señor

Daniel Werleman

mihor conoci como "djiek"

*21-07-1937 – †10-06-2024

Na nomber di su

Esposa: Dominica "ShonCa" Werleman

Yiu di criansa mas stima:

Jorge "Wincho" y

esposa Rufina Geerman-Kelly y yiu

Narcisa Geerman y yiu

Candido Geerman y yiu

Lourdes Geerman y yiu

Sra. Vda. Imelda Geerman y yiu

Manera nietonan:

Winson Geerman

Emilio Geerman

Mayornan:

†Bibiano "Panchico" y †Angelica Werleman

Croes

Rumannan:

†Bernardina y esposo †Benoit Solognier-
Werleman y familia

†Simplicio Werleman

†Juanita y esposo †Policarpo Leest-Werleman
y familia

†Rufina y esposo †Alejandro Geerman-
Werleman y familia

Francisca Werleman y familia

Stefanita Werleman y familia

Ciro y esposa Crescencia Werleman-Tromp

Japi y esposa Osmelia Werleman-Madiedo

Garcia

Mai y esposa †Croes-Werleman y familia

Swa y cuñanan:

Laura Werleman y familia

Simplicio Werleman y familia

Ambrosio Werleman y familia

Juliana Werleman y familia

Rigoberta Werleman y familia

Sobrino mas stima:

Pablo "Papi" Geerman

Iha:

Mario Werleman

Amigo di cas:

Beltran Ras

Sobrino y sobrinanan, primo y primanan,
famianan:

Werleman, Geerman, Kelly, Wever, Croes,

Solognier, Leest, Tromp, Madiedo Garcia

y demas familia ta invita tur amigo, bisiña y

conocinan pa asisti na e acto di entiero cual

lo tuma lugar **diasabra 15 di juni** pa 2 or na

Misa Inmaculada Concepcion na Santa Cruz y

despues lo sali bay pa Santana na Santa Cruz.

Nos disculpa si den nos tristesa nos por a lubida
algun miembro di familia of amigo.



Mira con Dios a salba mi,
Tur mi confiansa ta den djE,
Mi n' tin miedo:
Señor Dios ta mi forsa, mi refugio.
E mes †'Esun cu a salba mi.
Isaías 12:2

Cu inmenso dolor na nos curazon, Pero conforme Dios su
boluntad nos ta anuncia fayecimento di nos ser stima:

Sara Bertilde
Rodriguez

*10-05-1945 †08-06-2024

Na nomber di su:

Yiu:

Alexandra y Floyd Fransman-Tromp

Jennifer y Richard Dijkhoff-Tromp

Nietonan stima:

Shawn Tromp y Celina Mimié

Laslo Fransman

Rumannan:

Norberto Rodriguez y familia

Eccehomo Rodriguez y familia

Blanca Eli Tellez-Rodriguez y familia

William Rodriguez y familia

Nancy Rodriguez y familia

Ricardo Rodriguez y familia

Subrinonan stima:

Norberto "Nuno" y Juliana Tromp y familia

Shelley y Irwin Arendsz-Rodriguez y familia

Martha Pinzón y familia

Y demas subrino y subrinanan na Colombia, Peru y

Canada

Famianan cerca:

†Alfredo Tromp

†Joaquin Tromp y vda. Carmen Tromp y familia

†Carlos A. Tromp y vda. Medarda Tromp y familia

†Mirlanda Tromp y familia

Itala Danjo-Tromp y familia

Carole Tromp y familia

Baron y Judith Tromp y familia

Carlos S. Tromp y familia

Milton Tromp y familia

Ted Tromp y familia

†Norman Tromp y familia

Vince Tromp y familia

Stefanita Petrocchi y familia

Consuegra:

vda. Filomena Dijkhoff- Lacle y familia

Demas familia:

Rodriguez, Acuña, Bernal, Tromp, Fransman, Dijkhoff,
Tellez, Pinzón, Arendsz, Pavolini, Lacle, Kock, Ceballos,
Petrocchi, Croes, Danjo.

Amigonan di cas stima:

Bienvenida y Jose Lopez y familia

Gloria y Nestor Dijkhoff y familia

Doris Salcedo y familia

Raquel Guanipa y familia

Natasha Pak y Frances Croes y familia

Carmen Hurtado y familia

Flora Petronilia

Gradicimento special na:

Personal y boluntarianan di Fundacion "Hospice Atardi"

Praktijk dr. A. Wever y personal

Staff y personal di Stichting "Cas di Machi"

Cristina Gonzales y familia, Leydie, Cathy y Irena

Nos disculpa si den nos tristeza nos por a lubida un of
otro familia of amistad.

Ta invita tur familia, amigo y bisiñanan pa compaña nos
na e acto di despedida cu lo tuma lugar na Aurora
Funeral Home, **diabierne 14 di Juni 2024** di 2:00 pm pa
4:00 pm.

Cremacion lo tuma lugar den seno familiar.

Despues di despedida nos no por ricibi bishita di
condolencia na cas.
Preferibel bini bisti na coloman alegre.



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com